



# Музыкалул Хан

Щусса шинал цалчинсса кьини – январьданул 1-ний, оьрмулул 70 шинал юбилей кIицI ларгунни Дагъусттаннал Музыканттурал союзрал правлениялул председатель, профессор, Аьрасатнал Федерациялул искусствардал лайкь хьусса ишккакку, Дагъусттаннал халкъуннал артист, пианист Баширов Хан Мирзаханнул арнал.

7  
лаж.



№3  
(2221)

26 ЯНВАРЬ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкIессар 1917 ш.  
Цунил итабакьлан бивкIессар 1991ш.

## Аьрасатнал ХIукуматрал премияртту



Билаятрал премьер-министр Михаил Мишустиннул дулунни 2023-ку шинал культурулул Аьрасатнал Федерациялул ХIукуматрал премияртту. Шикку кIицI ларгсса 7 проект-

равух дур жулла республикалий 2004-ку шиная шийннай дуллалисса фольклорданул ва аслийсса культурулул Дунияллул халкъуннал дянивсса «Горцы» фестивалыгу.

Аьрасатнал Федерациялул ХIукуматрал премиялун лайкь хьунни Дагъусттан Республикалул культурулул министр, «Горцы» фестивалданул художестволул каялувчи Зарема Бут-

таева, культурулул министрнал хьиривмур, Республикалул Халкъуннал творчестволул къатлул директор, Iа проектрал автор Марита МухIадова, проектрал фольклорный програм-

марттал каялувчи, XI. ЦIадассал цIанийсса Мазрал, литературулул ва искусстволул институтрал искусствордал отделданул каялувчи Эльмира Аьдуллаева.  
**Бадрижамал АЬЛИЕВА**

## Дунияллул халкъуннал дянивсса форум

Январьданул 25-ний МахIачкъалалив байбихьунни дунияллул халкъуннал дянивсса форум «Национальная система пространственных данных. Полный и точный реестр».

ХIакьину Дагъусттаннал паччахIугьрал халкъуннал хозяйстволул университетраву хьунни 1-мур группалул батIаву: «ЕГЕРН-лулун муниципал саккиншиннардал, шярваллал ва территориал зонардал дазурдал хIакьиравусса информацияртту ласаву» тIисса темалий.



Миккува хьунни 2-мур группалул батIаву, ххал бивгьунни «ЦацIусса кадастрданул давуртту лядуккан даврил инструмент хIисаврай» тIисса масъала.

«Россия – моя история» музейраву хьунни 3-мур группалул батIаву, ххал бивгьунни «Применение технологий искусственного интеллекта в сервисах Росреестра» тIисса масъала.

Дусшиврул къатлулу хьунни «Выявление правообладателей ранее учтенных объектов недвижимости» тIисса тема ххал дигьлагьисса 4-мур группалул

батIаву.

Дагъусттаннал аграрий университетраву «Подготовка документов территориального планирования как основа наполнения ЕГЕРН необходимыми сведениями» тIисса тема ххал диргьунни 5-мур группалул.

Дискуссиярттал группарттал давуртту ххал дигьлагьисса пленар заседание хьунни Дусшиврул къатлулу.

Форумрал давурттая бусанну хьиривмур номерданий.

**ХIасан АЬДИЛОВ**

## Дагъусттаннал парламентарал сессиялий

ДР-лул Халкъуннал Мажлисрал 29-мур (январьданул) сессия хьунни ва зурул 24-ний Заур Аскендеровлул председательшиврий, муний ххал бивгунни 22 масъала.



Масъалартту ххал бигьин хьычИ махъру лавхъунни фракциярттал вакилтурал агъамсса социал-экономикалул масъаларттал хІакъираву. Коммунистгьурал гъаз бунни дуккавриву 5 кыни дуван аьркиншивриясса масъала. АьбдулвахИд Лабазановлул тІимунийну, 2 бигъалагай кыни дарча, бюхълай бур дуклаки оьрчІайсса дарсирдал гъиву чІири дуван.

«Справедливая Россия – За правду» фракциялул гъаз бунни муниципал сакиншиннарду КИнтни чІумуйн хІадур шаврил масъала.

Единоосстурал сукку бунни ДР-лий инвестициярттал тагъарданул масъала.

Яла депутатгьурал цІакъ дунни мировой судиятурал кьулугьирттайнсса кандидатурартту.

Цаппара законнал проекту ххал диргъунни кІилчин дурккуну. Федерал законодательстварттаву цІушиннарду шаврицун даханашивуртту дурунни региондалул законнаву: «ДР-лул Жяматийсса палаталул хІакъираву», «Дагъусттан Республикалул сакиншиндарал хІакъираву», «Халкъуннал художестварттал касмурдал хІакъираву», ДР-лий жагьилтурал ва оьрчІал жяматийсса ккураннан паччахІлугьрал кумаг баврил хІакъираву» ва цаймигу законнаву.

Цаппара законнал проекту сессиялул ххал диргъунни цалчин дурккуну. Миннувух дия ДР-лий административ-территориал ду-

залшиндарал масъалартту цалийн буцавил, цІусса награда – «За милосердие и благодеяние» шуруши даврил, кьалиянну учайсса идарарттаву буххан балугьравун кьабивминнан кьадагъа дишаврил ва цаймигу.

2023 шинал ххулурдай мюхчаншиву дуруччаврил ва профилактикалул давурттаясса махъ лавхъунни ДР-лийсса МВД-лул ГИБДД-лул управлениелу хъунама Александр Шалагиннул. Ванал тІимунийну, ларгсса шинал чІярussa аварияртту хъуну дур. 2023 шинал сияхІрайн лавсун бур 1677 ххуллул апатІ, миннуву ливтІусса хъуну ур 348 инсан ва шавурду, цІунциияртту хъусса – 2450.

Ихтилатчинал бувсунни аварияртту шаврил сававрттаягу.

Депутатгьурал бувсунни аьркинну бушиву хъинну хъиририв лавну анализ дуван авариярттал сававрттал ва шартІирдал, ми духлаган дансса чаранну льякиншиврул.

Депутат Артур Исрапиловлул цалвамур пикри бувсунни ци бан аьркинсарив тагъар тІайла дацІан даншиврул.

Заур Аскендеровлул пикрилий, ххулурдай апатІру шаврил хъунмур савав хъанай дур машинартту бачин баврил культура дакъашиву.

Яла депутатгьурал кьамул бунни Халкъуннал Мажлисаву ДР-лул Муниципал сакиншиннардал представительсса органнал совет сакин баврил хІакъираву хІукму.

Январьданул 22-ний Дагъусттаннал бакІчи Сергей Меликовлул дунни, нюжмардий цал дайсса, агъамсса масъаларттал хІакъираву батІаву.

## Агъамсса масъаларттал хІакъираву батІаву

**ВЛАСТЬРАЛ ОРГАННАЛ ИН-САНТУРАЛ ЛАБИЗАВУРТТАЙН ЖАВАБРУ ДУЛАВРИЛ ХІАКЪИРАВУ.**

Ва масъала бартбигъаврил хІакъираву махъ лавхъунни ДР-лул БакІчинал ва ХІукуматрал Администрациялул каялувчи Алексей ХІасановлул.

Ванал тІимунийну, ларгсса нюжмардий республикалул властьрал органнал занакьулу дурну дур соцсетирдаву диркІсса сайки 2 азара инсаннал лабизавуртту. ЦУР-данул ккаккярттайн бунну, миннувасса чІяруми диркІссар ЖКХ-лийн дагъайсса, электричестволуцун, шинацун, ххулурду бакьин баврицун, дуккавил идарартту бакьин баврицун, жяматийсса транспорт ххуйну занай дакъашивруцун дархІусса.

ЧІяруми лабизавуртту диркІун дур МахІачкьалалиясса – 210, Яла диркІун дур Каспийскалиясса, Дарбантлиясса ва Буйнакскаяясса.

Циняв материаллу дуллуну дур властьрал профил органнайн ва сакиншиннардайн.

Сергей Меликовлул тапшурлугьру дунни ихтилатраву кІицІ бувсса масъаларттал хІакъираву. Ванал тапшур бунни гужлан дуван кьатраву ихтиар дакъа газрал оборудование ишла дуллай бушиврул хъиририв лалалисса рейдру. Ва давривух хІала буххантІий бур Газпромрал зултраяр ххишала Дагъусттаннал Минэнерголул, Госжилинспекциялул, аьдлу-низам дурруччай органнал зузалт. Ххал дуллантай бур мукунна сертификация дакъа газрал оборудование ишла дуллалаву.

«Хъиририв лаявуртту дайдишин аьркинссар гъунттир!» – тІалав бунни республикалул каялувчинал.

Региондалул каялувчинал даКІнийн бувтунни уттигъанну МахІачкьалалив хъусса

апатІсса иширая – газ пІякъ куну ливтІунни шалва кулпат. Кьатравун газ бувцуну бия цалва, диялдакъашивуртташал, шаппа ишла бунну бия сертификат дакъа ираннал камин. Уттига участокрайсса газораспределитель компаниялул зузалал аьркинссар му иширал жавабдулун. Мукунмасса ишру хъуну бивкІссар ларгсса шинал Дарбантливгу, Каспийскалийгу.

**РАЙОННАЛ ВА ШАГЪРУРДАЛ БЮДЖЕТИРТТАВУ ЧІАЛАКЪАЧІССА ХАРЖЛУГЪИРТТАНССА АРЦУ ХІИСАВРАЙН ЛАСАВУ.**

Нюжмардий цал шайсса батІаврий Сергей Меликовлул муниципалитетирттал бакІчитурайн тапшур бунну бия кІанттул бюджетирттал проекту дузал дуллалисса чІумал муний ккаккан буван цала дохидирттал 5% лагрулияр чан дакъа луртандадул фондру. Ми арцу харж дуван аьркинссар тІабиьттал биян бувсса апатІирттал зараллу булаган буван.

Му масъалалун хасну дуллалисса давурттая бувсунни региондалул цалчинна вице-премьер Руслан Аьлиевлул. Ванал тІимунийну, мукунсса луртандадул фондру сакин бунну бур так 12 муниципалитетрал.

27 муниципалитетрал сакин бунну бур луртандадул фондру цаллаи дохидирттал лагрулул 3% гъарза байсса.

Сергей Меликовлул тапшур бунни тагъар тІайла дацІан буван.

**«НАЦИОНАЛЬНАЯ СИСТЕМА ПРОСТРАНСТВЕННЫХ ДАННЫХ. ПОЛНЫЙ ТОЧНЫЙ РЕЕСТР» ФОРУМ-РАЙНССА ХІАДУРШИН.**

Форум хъунтІий бур Дагъусттаннай январьданул 25-26-ний. ДР-лул ХІукуматрал председа-

телнал хъиририву Заур Эминовлул тІимунийну, форумрай гьуртту хъун баян бунну бур Аьрасатнал 12 региондалиясса сайки 900 инсаннал.

«Ва форумрал хъуннасса агъамшиву дуссар муниципал районнал ва шагърурдал бакІчитуран, мукунна шяраваллал бакІчитурангу. Шикку 4 площадкалий буслан тІий бур пространственная система шуруши даврицунна агъамми масъаларттая. Агарда жува ми циняв масъалартту дузал барча, жучлара кьадикІантІиссар заллу акъа сетьру, энергетикалул объектру даврицунна, социал объектру бувансса участокру ккаккан даврицунна проблемартту», – кунни Сергей Меликовлул.

**ДАГЪУСТТАННАЙН 1999 ШИНАЛ АВГУСТРАЙ ХХЯВХССА ДУНИЯЛЛУЛ ХАЛКЪУННАЛ ДЯНИВССА ТЕРРОРИТУРАЛ КЪЮКЪРИ ХХИТ ДУККАН ДУРНУ 25 ШИН ШАВРИЛ ШАДЛУГЪИРТТАЙН ХІАДУР ШАВРИЛ ХІАКЪИРАВУ.**

Ва тарихрацунна мероприятирттал пландалия бувсунни региондалул вице-премьер Муслим Телякавовлул.

Ванал бусаврийну, мероприятиртту дайдишин тІий дур «Россия – моя история» тарихрал паркраву февраль зуруй. Шикку бартдигьин тІий бур «Защитим Дагестан – защитим Россию» тІисса проект, оьвкуну 1999 шинал хъусса иширттаву хъуниннайнгу, СВО-лул гьурттучитурайнгу, миннал кулпатирттайнгу. Пландалий бур конференцияртту, ккуркки столлу, фото-экспозицияртту ва луттирдал ккаккяртту дуван. Гъашину Дагъусттаннай ласун тІий бур кино. Му экраннайн дуккан дувантІий дур 2025 шинал. ХІадур дуллай бур тамансса цаймигу мероприятияртту.

Мероприятирттал личІисса программа ккаккан дурну дур Буцихъиял, ЦІумадиял, ЦІуссалакрал ва Буйнакскалал районнайнгу.

Сергей Меликовлул дунни цаппара тапшурлугьру вице-премьер АьбдурахІман МахІмудовлул ва цІулушиву дуруччаврил министр Татьяна Беляевайн.

## Чавахъирттал хозяйстволул кластер буван хІадур хъанай бур

БатІаву хъунни Чавахъру бугъаврил федерал агентстволул хъунама Илья Шестоковлул каялушиврий. Масъала ххал бигъаврий мукунна гьуртту хъунни ДР-лул Чавахъирттал хозяйстволул комитетрал председатель Ххадидат Шамхалова, Росрыболовстволул Ухсавнил Ккавказуллал территориял управлениелул каялувчитал, ДР-лийсса ФСБ-лул Дазул Управлениелу, МахІачкьалалал транспортрал прокуратуралул, МахІачкьалалал Хъхирил портрал вакилтал, элмулул ва чавахъирттал промышленниктал, вакилтал.

Росрыболовстволул бакІчинал бусаврийну, чавахъру бугъаврил кьайдарду даханаххи даврийну, Каспийлий чавахъру гъарзану бугълан бивкІунни. Амма хІасил хъинчулийсса хъуншиврул, ванал пикрилий, гужлан дуван аьркинни

**Вай гъантрай ДР-лул ХІукуматрал председателнал хъириривчу Нариман АьбдулмутІалибов ВКС-рал низамрай гьуртту хъунни Каспий хъхирий килька-чавахъ бугъаврил касму сакин даврил масъала ххал бигъаврий.**

региондалул даражалиясса даву. «Аьркинни цалийн дущин Каспийлул чІарахсса циняв билаятирттал килька бугъаврил давуртту, цанчирча килька хъанай бур цачІусса луртан. Масъала ххал бигъин аьркинни Каспий хъхирил биологиялул луртанну ядаврил, тІайлану ишла даврил ва цачІусса луртаннай каялушиву даврил комиссиялул даражалий. Комиссия сакин бувссар Каспийлул чІаравсса билаятирттал рязишиву бартдигъланшиврул», – кунни Илья Шестоковлул.

БатІаврий махъ лавхъунни Нариман АьбдулмутІалибовлулгу.

Ванал тІимунийну, 2023 шинал килька бугъаврил лагру хъуну дур 26 азарда тонна, ми хъанай

бур килька бугъан ккаккан дурсса лимитрал 26%. Хъхирил зуманив ларгсса шинал бугъуну бур 1850 тонна. Гъашину республикалул чавахъру бугъайсса идарарттал гъарза дантІий бур чавахъру бугъайсса кьертту, хъхирил зуманив чавахъру бугъаврил лагру гъарза данширул.

Премьер-министрнал бувсунни ларгсса шинал чавахъру бугъаврил лагру чан шаврил сававрдагу.

Ванал бувсунни 2023 шинал чавахъру бугъайсса флотрал 26 пароход бивкІшиву.

«Каспий хъхирий килька бугълай бивкІссар Аьрасатнал цайми регионна бучІан бувсса жамирдал, миннул чавахъру

бучІан буллай буссар Калининградлул областьрал ва Краснодардал крайрал чавахъру занакьулу байсса предприятиярттайн.

ЦІанасса ппурттуву республикалий цІакъ дурну дур 2030 шинайннин республикалул чавахъирттал хозяйство лядуккан даврил концепция, муний ккаккан бунну бур региондалий буван шинал ва биологиялул луртанну занакьулу дайсса предприятияртту.

Чавахъру бугъайсса предприятиярттан паччахІлугьрал кумагран кьамул дурну дур «Развитие рыбохозяйственной отрасли» тІисса ДР-лул госпрограмма», – кунни ванал.

Нариман АьбдулмутІалибовлул бувсунни чавахъру бугъаврил давурттаву хъанайсса захІматшивурттая.

БатІаврий ихтилат хъунни Каспий хъхирий ватандадул ч-

вахъру бугъавриву лябукку хъуншиврул аьркинну бушиву уттара дуккан дуван чавахъру бугъайсса хозяйстварттал инфраструктура, жамирду буван, цайми регионна бучІан буван чавахърубугъулт, цІу дуккан дуван хъхирил зуманивсса портрал инфраструктура ва чавахъру занакьулу байсса аьркинлугьру.

Сукку дунни Дагъусттаннай жамирду бакьин байсса завод цІу буккан баврил темагу, хъхирил зузалт хІадур байсса дуккавил идарартту сакин баврил масъалагу. Дагъусттаннай бакъа мукунсса пишкартал хІадур байсса вуз ягу техникум.

Росрыболовстволул бакІчинал бакІрайн лавсун бур ми масъаларттан хасну кумаг буван ДР-лул ХІукуматран.

**Лажин хІадур дурссар ХІ. АЬДИЛОВЛУЛ**

## Театр

## Къавхъуну ливчІсса талихІ

Ларгсса нюзмаркыни Лакрал театрдану хъунни «Мой бедный Марат» тІсса спектакльданул премьеры.

XX-мур ттүршукулул драматургиялул ттиркыюкылун ккаллисса А. Арбузовул пьесалиясса спектакль хас буну бур Ленинград блокадалия мурахас буну 80 шин шаврин. Режиссер-постановщик Руслан Ларин.

Чувну хІала бувхсса шанма къадарданиясса драмалулу гьурттуну ур увагу 3 персонаж. Вайннал сипатру тамашачитуран асар хъунну ккаккан дунни жагылсса актертурал: Ислам Махаммадовул (Леонид), Иларкьади Хажикьурбановул (Марат) ва Жамила Закаръяевал (Лица).

Ленинградуллал блокада. Бомбардалу ккаши, мякъ, дяркъу, хІасрат духІлай бухурчагу, агъали вихшала кьукьлай бакъар, ччаврийнгу, ххуйсса оьрмулийнгу вихну оьрму бутлай бур. Асар къахъунсса дакъар оьсса гьантрай 3 инсаннал даКниву тартсса рувхІанийсса гьаншиву. Цачлун хъанай бур гай шамунналагу къадарду. Ччаврил шанбачу, даКнил хІасрат, оьрмулия ка ласаву, хъумур тІайла баншиврул, оьрму махъунмай зана бан къашай – гьар заманайва агъамсса буруккинту. «Мой бедный Марат» – ва бур къавхъуну ливчІсса талихІраясса къысса.

Спектакльдану аьч буллай бур абадлийсса хІакъмур, персонажирттал даКнил чумартшиву: «язи угъа даКнил ччима», «хІучІ мачара талихІрая», «ивчІан ца гьантлул хъхичІгума къачІалсар оьрму цІуницІа бутлай айишин» тІсса мукъурттил жува пикри буллал буллай буру.

Ва кІилчинсса спектакль бур жагылсса режиссер Руслан Лариннул цайнува цала бивхъусса. Хъунмасса тІайлабачулушчал най бур театрданул репертуардану ванал бивхъусса дуняллул классикалува, Испаннал драматург Ф. Г. Лоркал «Кровавая свадьба» тІсса пьесалиясса спектакль «Оьсса къадар».

Ислам Махаммадов тамашачитуран ччянива ххира хъусса, театрданул хъхичІунсса актер хъурчагу, Иларкьади Хажикьурбановул ва Жамила Закаръяевал ва спектакльдану дургъусса агъамми рольлу хъанай дур дебют.

Цалацалчинсса агъамми рольлу Иларкьади Хажикьурбанов дугълай ия архІала кІива спектакльдану: А. Толстой оьрчІансса «Буратино» тІсса спектакльдану ва ялув кІицІ лавгсса спектакльдану. «Буратино» спектакльданул премьеры бусса къини, декабрьданул 30-нний, дяхтта оьрчІансса кІива спектакльгу ккаккан буну, гьанттайн чІумал тапшур буллай бия спектакль «Мой бедный Марат». КІира дебют ца къини, къабигъасса масъала бур. Амма жагылсса актернал хъхичІунну дуллунни цала язи бувгъусса пишалул цалчинсса, хъинну агъамсагу, жаваблувсагу, жапассагу экзамен. Шиккува кІицІ буван, вайва гьантрай Иларкьади архІала буллай ия кІива-кІива сессиягу. Ва дуклай ур ДГУ-рал культуралул факультетрал актертал хІадур байсса



отделенилийгу, Дагъусттаннал паччахІлугърал халкъуннал хозяйстволул университетрал архитектортал хІадур байсса факультетрайгу.

– Мияжннугу, ларгсса шинал ахиргу, ЦІумур шинал дайди хъугу ттул оьрмулуву дия жапасса, жаваблувса мурадур хъхичІ бусса. Амма на айгъуну ияв ва спектакльдану роль дугъансса хиялданул, цувгу ттуву хІасул хъусса май зуруйва, муниясса ихтилат дахъва сукку хъусса ппурттуву. Маратлул роль дулайхту тІурча, ттул даКниву гъавас ххи хъуна. Уххаврил цукунчІавсса буруккин бакъая, жаваблувшинна ялтту дуклай дия. «Буратино» спектакльданул премьеры бусса къини, кІива показрал хъирив «Мой бедный Марат» спектакльгу тапшур буну, жу ЦІусса шинал корпоративрайн лавгссияв. Гикку асар хъуна ттуна нава цуксса ухха-азу хъуну усарав – циняппа къавтІий бия, на тІурча, ца креслогу лявкъуну, таний шанай.

Театрдану зун увкІссияв, анжагъ, ттула гъунар ххал банкуна, дуккаврия оьннасса чІун аьдада харж къадуван. Буттая ирсирай нанисса архитекторнал пишалингу хайн хъун ччай бакъая, цанчирча буттал хиял бия нагу цала ххуллийх гъанса. Актершиву тІурча, бия нава дуняллийн увкниясІасса хиял. Ттул хиял дузрайн бивккунни, гихунай зун даКниий ура ттула пишакаршиву усттар даврил ялув.

**Жамила ЗАКАРЪЯЕВА:**  
– Ттун найбуна ххира хъуна

ттула героиня. ДаКІ аьчухсса, тьхъасса, хъинмунийн хъул бивхъусса чІавадуш. Лагма-ялттугсса захІматшивуртта къабурвгун, Лица вихну бур ххуймунийн, хъинмунийн. Амма, хъунма хъанахъиссаксса, оьрмулувусса ишру чІалай, га гьантта бивккун лешлай бачай. Марат цалий къаацІаву чІалай, ганил язи угъай Леонид. Леонидлунсса оьрмулул мяънагу, ттарцІгу хъурчагу, дяличІай ганил циламур оьрмулувусса тирхханнугу, ххаришивугу. Вай асарду ттула даКнивухгу буккан буну, тамашачитуран бюххану аьч бан багълай бия ттун. Барчаллагърай бура режиссернайн, ва ххаллиссса постановкалуву роль дугъансса сант дулаврихлу.

Буттал КІанттул цІанийсса Хъун дявилул темалул ттул даКІ мудангу гьулусан дуллай дикІайва. Ва спектакльдану роль дугъаврийнугу ттуша бювхъунни сайки 3 шинал мутталый оккупациялуву оьрмулул ва бивкІуллул дазул бивкІсса халкъуннал оьрму ттуйва асар хъун. Ва багъа бакъасса опытри, актриса хІисаврай бакъасса, ттула шала оьрмулувугу хъусса.

**Руслан ЛАРИН:**

– ГИТИС-раву дуклакисса чІумалва на ва спектакльдану-васса ца чІивисса парча бивхъуссия. Тания мукъах ва спектакль бишинсса пикри ттул бакІрава буклай бакъая. «Оьсса къадар» спектакль бивхъуну махъ айивхъуссияв ванил ялув зий.

Цанчирча, Буттал КІанттул цІанийсса Хъунмасса дявилул тема хІакъинугу агъамну личІлай дур. Ялун нанисса никиран хъамабитлай бур жула тарих, миннал бакІурдивун бакълай бур шялмур. Ва спектакль ттун бишин ччай бия дяввилиясса тІайламур ккаккан баншиврул. Шиву ттун ци асар хъуна чирча, шиву даКниийхтуну асарду аьч буллалисса бушиву. Ленинградуллал блокада наниссаксса чІумул дянив духІан багъсса оьшиврулгу, оьхІалшиврулгу, рахІму бакъашиврулгу инсантурал даКІру зия дурну дакъар. Тайннаша бювхъуну бур дуручин дуняллий яла багъа лараймур зат – инсаншиву. Шамагу персонаж цанная ца яуцлай акъар, гай 3-гу цаннан ца ххирану ур, цайннал цаннайнсса даКІ тІайлашиву дурурччуну дур.

Ттунгу ччай бия ва спектакльдану тамашачитурал язимур дарснугу лавсун.

**Зулайхат ТАХАКЪАЕВА**

## Лакрал драмалул ва музыкалул театр

Январьданул 26-нний Лакрал театрдану хъунтІиссар Ф. Вебердул пьесалиясса спектакль «Нядуку». Билетру ласун бюхъантІиссар Пушкиннул карталийхчил. Синхрон журалийсса таржумагу буссар.

Билетру ласун бюхъайссар ва телефондалий оьвкуну: **9-928-875-60-10.**

Уттигъанну Болгариянаву хъусса Дуняллул халкъуннал дянивсса «Вместе в XX веке» цІанилул балайлул конкурсрай цалчинсса кІану бувгъунни АхІмад АхІмадовул ва Лариса ХІажиевал шаллу бивсса «Зульфийа» тІисса лакку балайлул. Вай гьуртту хъунни конкурсрай Турциянавусса (Стамбуллаясса) Аьрасатнал культуралул центрданул чулуха. Конкурс хъунни онлайн жураллий. Шикку гьуртту хъусса 35 произведениелува жула артистгтурал, лакку балайлул, цалчинсса кІану бугъаву, му хъунмасса ишри, жула артистгтурал гъунарданул ххишаласса барашиннар.

## Цала гъунар дуняллул даражалий ккаккан бунни



**Адриана АБДУЛЛАЕВА**

– Дагъусттаннал артистгтал ва конкурсрай гьуртту шаву политикалул чулухагу агъамшиву дусса иш хъуссар. Дагъусттаннал бивкксар шиккун Аьрасатнал вакилуу. Европанал континентрай цинярдагу мероприятиярттая Аьрасат арх бивсса чІумал, Ккавказуллал, Дагъусттаннал хъхичІ цивппа иттала къабагъан, цуксса ччайнугу, конкурсрал сакиншинначитураша Дагъусттаннал балайлун ххул-

лу лакъин къавхъунни, – тІий ур АхІмад АхІмадов.

Ва агъамсса политикийсса хъар лакрал артистгтурал лавъаву пахру бан бучІисса ишри. «Зульфийа» цуппава ляличІисса, цайминнуха къалавхъхъусса, цинявппагу миллатирттан бивчІинсса балай бур. Жула халкъуннангу нукІува ххира хъусса балай бур.

АхІмад, Лариса, барча зул ххувшаву. ТачІав къалешаннав зуву балай тІунсса гъирагу, гъавасгу. Бюхълай личІаннав.

## Криминалданул хаварду

### ХІарамзада увгъуну ур

Полициялул зузалтрал увгъуну ур инсантал хъяврин буллай, минная арцу ласлай ивкІсса Лавашиял райондалиясса 29 шинавусса адамина. Соцсетирдаву ва чичлай ивкІун ур чІиримур бизнесрал программалулу гьуртту хъун ччиминнан аьркинсса документру шаллу банна тІий. Гъарица клиентная ванал ласайсса диркІун дур 20 азарда кьуруш. Укун, 10-нний ливчусса инсантал хъяврин буну, ванал ляркъуну дур 600 азарда кьуруш. Арцу зерххуну дакъар, ХІарамзаданал ми харж дурну дур.

Ва иширал хІакъираву материал дартІун дур. Хъирив лаллай бур ванал хъяврин бивсса цаймигу инсантал бурирв кІул бан.

Балики мукунсса бухурча, оьвчяра ва телефондалийн: 99-48-24, 8-937-084-05-05.

### ХІарамзадатал банкрот картардая арцу ликлай бур

Республикалул агъали бириллай бур банкрот зузалтру тІисса ХІарамзадатурал

къатІухъхъун. Вихшала дирхъуну, дичлай бур миннал счетрайн 100 азардахъул кьурушру.

ХІарамзадатал оьвтІий бур телефондалулул банкрот зузалт хъуну, ай, зул цІаний кредит ласун къаст лархІуну дур, зула счетрай арцу къаликканшиврул, счетрал реквизиру бусара тІий. Инсантал, хъяврин хъуну, буслай бур.

Полициялул зузалт дюь дихълай бур, личІлулну бикІияра, цукунчІав, щихъчІав зула банкрот карталия мабусару, шак тІисса инсантал оьвчирча, банкрот отделенилийн бивккун, кІул бара тІайламур тІий.

### КІия инсан ивкІунни

Январь зурул 22-нний, ссят 16.30 хъусса чІумал, Бабаюртул райондалий, «Астрахань – Махачкала» федерал ххуллий, куклу машиналий нанисса МахІачкъалалиясса 49 шинавусса хъамитайпа хъунив ххуллийн бивккун, къай духхай машиналийн шун буну бур. Ванил рульданух Хасавраясса 61 шинавусса адамина ивкІун ур. ДТП-луву рульданух бивкІсса хъамитайпагу, мунишал най бивкІсса 17 шинавусса жагылсса душгу бусса кІанай кьуртал хъуну бур. 21 шинавусса жагыл, цІунцияртту хъуну, азарханалийн иян увну ур.

**ХІадур бивссар**  
**Адриана АБДУЛЛАЕВА**

Ккуллал райондалия

## Дурмунил хIасиллу ва дантIимунил сияхI

Ккуллал райондалул администрациялул зузалтрасал хьусса батIаврий райондалул бакIчи Шамил Рамазановлул, ларгсса шинал хIасиллугу дурну, бусунни ялун дуркIсса шинаву дан дакIниесса давурттая.



Щусса шин райондалун дай-дирхьуну дур ххарисса иши-рая – Шамил Рамазановлул МЧС-рал зузалтран буллуни республикалул мероприятиярттай ккаккан дурсса

хьхьичIуннайшивурттахлу бул-лусса Барчаллагьрал чагьарду ва кубокру.

Укун тIааьнсса лахIзардал, махь бакъа, гъавас бутай дакIурдивун ванияр тихунмай-гу хьхьичIунмай хьит тIунсса. Ларгсса шинал хIасиллая бус-сун махь, кIибавчIунни район-далул делегациялул Москвавил ВДНХ-лий «Малая Родина – сила России» тIисса муниципал форумраясса асарду.

Шамил Рамазанов дакI дарцIуну ур жула райондалул потенциал цIакьсса бущиврий, укунсса мероприяти-ярттай гьуртту шаврил ватан ххирашиву цIакь дан ва регион хьхьичIунмай баврин кабакъу бантIишиврийгу чIурчIав дулла. Му бакъассагу, райондалул бакIчинал кIицI лавгунни жула райондалул вакилтал гьуртту хьун тIий бушиву ва зурул 25-26-ний МахIачкьалалив хьунтIисса «Национальная Система Пространственных данных. Полный и Точный Реестр» тIисса регионал дянивсса форумрай.

– Ва агьамсса ишри, муний гьурттушинна даврийну жула райондалуша бюхъантIиссар кIантул сиптарду хьхьичIунмай бан. Укунсса мероприятирттай гьуртту шаврийну тIитIинтIиссар жула район хьхьичIуннай данса дазурду, кабакъу бантIиссар жула билаятрал цайми регионнашчал хIала-гьурттуну зун, – увкунни Шамил Рамазановлул.

Шяраваллал бакIчитурайн тапшур бунни регионал дянивсса форумрай гьуртту хьун гьаннин шаллу бан коммунал хозяйствоуцIун бавхIусса суаллу.

Зулайхат ТАХАКЪАЕВА

ЦIуссалакрал райондалия

## Патриотизм иширайну ккаккан дан аьркинссар

Украиннал аьршарай хасьсса аьралий операция байбишайхту, чIявусса Дагъусттаннал чиваркI хушрай микку гьуртту хьун лавгунни. Мукуминнавасса ца ур ЦIуссалакрал райондалиссса Чапаево шяравасса ХIусайн Кабиевгу.

Увну ур ХIусайн 1974-ку шинал. Ларсун дур ларайсса техникалул кIулшивуртту. 2023-ку шинал, контракт чирчуну, хушрай лавгун ур хасьсса аьралий операциялий гьуртту хьун. ЦIанасса чIумал ва ур Херсоннал областьрай, Казачьи лагерь, Крынки, Алешки тIисса шяраваллахлу талай.

– Ватан ххирашиврия бюхт-тулну гьалгъа тIун къабикIайссар, му иширайну ккаккан дан аьркинссар. Вила ватан, гъан-маччами ялапар хъанхьисса кIану буруччин аьркинссар. Жура къадурурччуну, шилли жула ватан дуруччин аьркинсса. ЧиваркI талан бикIайсса орден-медальлах бакъарча, цала оьрчIал, ниттихьал, кулпатиртал лажиндараву пиш чан къахьуншиврулли. Патриотизм стройрай ягу кино ххал дурну дакъар тарбия шайсса, цинявпагу винма ххирами лагма бусса кулпатравур, – тIий ур ХIусайн.



ХIусайн Кабиев

Ххувшавугу ларсун, цIуллуну, сагьну зана хьуннав.

## ТIюхчарав чирахъру бишинтIиссар

КичIираваллаву чирахъру бишаврил проектрал конкурс-рай ххув хьунни ТIюхчардал шяраваллил проект.

Шяраваллил хьуними Новостройрайсса ТIюхчардал шяраву чирахъру бишаврил проектрал сиптачитал хьуну, «Шяраваллил кIанттурду ххуй баву» проектрал лагрулий тIайла дуркун дия цала проект Дагъусттаннал Шяраваллил хозяйстволул

продовольствиялул министерстволийн.

КIицI ларгсса конкурсрай гьуртту хьуну дур республикалул 60 шяравалу. Язи дургъусса 5 проектравасса ца ТIюхчардалсса дур. Ва шаллу дан 2 миллион арцул булун тIий бур.

Россельхознадзорданул къайгъурду

## Дюь дирхьуну дур

Дагъусттаннал Россельхознадзорданул управлениелул къулдугьчитурал, пландалил дакъасса ххалбигъавуртту дурну, кIул буну бур шяраваллил хозяйстволул ккаккан дурсса аьршарайн чIюрк дичлай бушиву.

Аьршарал хIакъиравусса закондалул тIалавшиннарду къадурурччуну тIий, «Животновод» СПК-лул аьрши арендалий ларсьсса инсаннай дюь дирхьуну дур. Январь зурул 15-ний

чIюркклил бакIу букьан буну бур.

Аьршарал хIакъиравусса законну дуруччаврил масъала Управлениелул къулагъасрайн лавсун бур.

## ТIалавшиннарду къадурурччуну дур

Дагъусттаннал Россельхознадзорданул управлениелийн 2023 дшинал бувкIун бур 207 аьрза, ризкьи бувцуну наниний ветеринариялул ва санитариялул тIалавшиннарду къадурурччаврил хIакъираву, 195 хозяйстволий дюьгу дирхьуну, тIалавшиннардаюгу бувсун бур.

Дакинни бутан, ризкьи бувцуну нанисса чIумал Аьрасатнал Шяраваллил хозяйстволул министерстволул тIалавшиннарайн буну шал-

лу буну бикIан аьркинссар ветеринарно-сопроводительный документру.

ХIадур бувссар  
Андреана АБДУЛЛАЕВАЛ

## Даврил даража гъаз баву мурадрайсса проект

АхIмад-Хан Султаннул цIанийсса МахIачкьалалал аэропортрай «Производительность труда» тIисса миллатрал проектрал лагрулий дулла бивкIсса даврил хIасиллу дунни. БатIаврий гьуртту хьунни МахIачкьалалал аэропортрал гендиректор Саэд Рамазанов, ДР-лул экономикалул министр ХIажи Султанов, Федерал компетенциялул центрданул эксперттал.



Федерал эксперттурал язи бувгъуссия программалу-ву гьуртту хьунсса предприя-тияртту. Программалул агьам-мур мурадгу хъанай бур шинай дучIан дайсса доход чIяру даву (400 миллиондалия 30 миллиар-драйн дияннин).

Ларгсса шинал мутталай

МахIачкьалалал аэропортрай эксперттурашал хIала-гьурттуну кутIасса чIумал мутталай къамул буну бивкIсса цIусса технологиярттал производстволул процессру магьир баву мурадрайсса хIукмурду чялишну зузи буну буссия. Авиапредприятиялийсса цап-

пара процессирттал оптимизация даврийну аэропортрал даврил даража чIаланну гъаз хьуну бур.

Аэропортрал гендиректорнал хьиривчув Заур Аьлиевлул цала ихтилатраву кIицI лавгунни анаварсса мутталай пассажиртал къамул баврил ва багаж ххал бигъаврил даву сантирайн дутаву мурадрай льявкъусса ххулу-чаранну. Вайнуйн буну, инсантал чIявусса бусса чIумал, регистрациялийнсса пассажиртал къамул буллай ва багаж ххал бигълай бур анаварсса мутталай.

Ва даву сантирайн дутан бювхьуну бур регистраияртту дайсса ххишаласса стойкарду тIитIаврийну, ца стойкалий чIярусса рейсирдайнсса регистраияртту даврийну, аэропортрал зузалтрал аэровокзалданнийсса пассажиртурахь ххишаласса информациярттая баян баврийну.

Ахирданий кIицI лавгунни МахIачкьалалал аэропортрал ФЦК-ушалсса хIала-гьурттусса проектрая хьунмасса мюпат хъанай бушиву. Проектрал программалул лагрулий зузисса 3 шинал мутталай аэропортрал даврил даража лавай хьун тIий бур 30 процентрал.

Имара САИДОВА

Лакрал райондалул администрациялий хьунни шяраваллал бакИчитурашалсса батIаву. Райондалул бакИчи Юсуп МахIаммадовлул ттигъанну Москвавил ВДНХ-лий хьусса «Малая родина – сила России» тIисса шалагу Аьрасатнал муниципал форумрай районгу, республикагу федерал лагрулий лайкьну ккаккан даврихлу барчаллагъ увкунни ваний гьуртту хьусса шяраваллал бакИчитурахъ: ХIажимурад Акаевлухъ (Ххюлуссун), МухIсин МахIаммадовлухъ (КIулушацI), Мурад АьбдурахIимовлухъ (Гьумучи), Мирослав Ибрагьимовлухъ (Шар), МахIаммад МахIмудовлухъ (КIундими), Расул Шаххаевлухъ (КIамахIал), Артур МахIаммадовлухъ (Кьуби).

Муния махъ Мурад АьбдурахIимовлул ва Мирослав Ибрагьимовлул бувсунни форумраясса асардая. Ваний яла тIаансса ва дакIний личIансса иш хьунни тIар ПаччахIлугьрал Президент Владимир Путиннул «Аьрасатнал Федерациялул КIанттул цилакалувшиндарал лайкь хьусса зузала» тIисса ларайсса цIа дулавриясса Указ буккан баву.

– «Малая родина – сила Рос-

Лакрал райондалия

## СВО-лий гьуртту хъанахъиминнан кумагрансса фонд



сии» форумрай хьуссар жула даврил уртактурашал даврил опыт кIибачIаву. Муниципал властьрал даву дур агъалинан

хайрну зузаву, ххуйсса даврил агъаммур шартIну тIурча, хъанахъиссар каялувчитурал команда сакингу дурну, мунил пи-

шакаршиврул ялув бацIаву.

Форумрай гьуртту хъанахъиминнан сакин бувну бия тематический площадкартту, круглый столлу. Шикку гьуртту хьунни Федерал министерстварттал ва ведомстварттал вакилтал, ПаччахIлугьрал Думалул депутатътал, хьунисса корпорациярттал каялувчитал – 35 площадкалий гьуртту хьунни 250 эксперт, – увкуна Юсуп МахIаммадовлул.

Шиккува райондалул бакIчинал тапшур бувна Украиннал аьрщарай нанисса хасьсса аьрлий операциялий гьуртту хъанахъиминнал кулпатирттан кумагрансса фонд хIасул буван.

Ххал бивгъунни мартрай жула билаятрай хьунтIисса ПаччахIлугьрал БакIчи увчIаврийн багъайсса суаллу

Райондалул ТИК-рал хьунама Илияс ХIажиевлул бувсунни бувчIавурттал ялув дан ккаккан

дурсса мероприятиярттая. Райондалией дур 26 избирательный участок, миннува 5 – кьутаннай. БувчIин бунни вай избирательный комиссиарттал сакиншиндарайн ва технический хIадуршиндарайн, информациялул сурсатирттал мюхчаншиврийн, бувчIавурттал кьини ишла хьунтIисса цифровойсса оборудованиелийн багъайсса суаллу.

Ахирданий райондалул бакIчинал умуд бивхьунни 2024 шинал ПаччахIлугьрал БакIчи увчIачIисса бувчIавуртту сакиншиндарай гьантIишиврийн. КIицI лавгунни, вай бувчIавурттай райондалул агъалинал дуван багълай бушиву чялишсса гьурттушинна. Ххал бивгъунни бувчIавуртту нанисса ксса хIаллай хьун бюхъайсса низамлиян дансса ишру байшун баврийн багъайсса чаранну.

Зулайхат ТАХАКЪАЕВА

## «Гихунай зунсса гъира ххи хьунни»

Уттигъанну Москвавил хьусса «Малая Родина – Сила России» цIанилусса шалагу Аьрасатнал муниципал форумрай Лакрал райондалул делегациялувух гьуртту хьунни КIундиннал шяраваллил бакIчи МахIмудов МахIаммад Шипауттиннул аргу.

МахIаммад ур жулла лакрал шархъал жагьилсса каялувчитуравасса ца. ХIатта каялувчишиву багъайсса кушцуй давриву шалва иш оьрмулул шиннахъ бакъанугу, жагьилшиврул гъирагъавасрал, гуж-кьуватрал, акьлулул дурмур оьрмулул шиннашал дуркIсса акьилшиврулгу, даву кIулшиврулгу дувайну тIий. Хьунмур иш каялувчи ца кIанай авцIуну акъашиврувур, гихунай ачинсса, цалла даву цалнир цал магьир дуллансса гъира бушиврувур. МахIаммад шяраваллил бакIчинал кьуллугьрайн увкIун дурагу шин ва 3 барз хьуну бур. Ларай кIицI ларгсса хасиятирттацIун, МахIаммадлулу дур каялувчинаву дикIан аьркинсса хъхьичIунсса цайми-цайми лишаннугу. Ва даврий зун ивкIиния шийнай МахIаммад цалчинни укунсса масштабрал шадлугьрай гьуртту хьусса. МахIаммадлуя къатIий, каялувчинал кьуллугьрай цимирагу шинай зузимгума уттинин чув гьуртту хьунссия, агана билаятрал лагрулийсса ва журалул шадлугъ жучIара цалчин хьуну дуний.

– Хьунмасса тIайлабацIулун, бахтилул калли буллау ура ва форумрайнсса ттулва аьрххи. Аьзизсса шяраваллил цIусса каялувчи хIисаврай ттунсса багъа бишун къашайсса опыту хъанахъиссар ва. Мукумма – цайминнангу. Ва форумрая гихунай дуллансса даврил пикри кьабуну, гъавасрал кьаувцIуну цая-



МахIаммад МахIмудов урчIаха цалчинма



УрчIаха шамилчинма

Бадрижамал АБЛИЕВА

гу инсан лавгиву кьакIулли. Ва хьунни ляличIисса, яла-яларив, хьинну монпат бусса даву. Аьрасатнал 89 региондалиясса сайки 8 азара инсан гьуртту хьунни шикку. Яла хьунмамур делегация Дагусттаннаясса бия.

Форумрал масштаб итталун къадагъансса, асар кьахьунсса дакъая: ца гьантлул дянив 35 майданнив 250-нния ливчусса экспертътал бувккуна, хьуна хьинну чIявусса ккуркки столлу, дискуссиярду, лекциярду ва цаймигу ишру.

Асар хьунсса, гихунмай зунсса гъира ххи буллалисса бия Аьрасатнал Федерациялул Президент Владимир Путиннул ихтилат. Мийжаннугу, ванал увкусса кушцуй, инсантурашалсса даву – му агъамсса давур, му такIуйрагу бигъассагу къадиркIиссар. Билаятрал бакIчинан ва кIану бувчIачIаврилгу, ванал увкусса мукьурттилгу жувун цIу-цIусса давуртту дуллансса, цIу-цIусса пикрирду иширайну шаллу буллансса гъавас ххишала бунни. «На цимилагу тикрал бував, ам-

марив ва ишираву цал ялагу учин бувчIуну ва учин аьркинну чIалай бур – зул даву дур яла агъаммур, цанчирча зу тIайланма инсантурашал бавхIуну буну тIий, варив жура дуллалисса аьмсса даврил ца яла жаваблумур бутIар. Зун кьачанну багъайссар зуйнма бувагу кьабагъайсса, зулва кьуллугьрал буржирдавун кьабухлахисса затру шаллу буллан», – увкуна Владимир Путиннул. Мийжаннугу, укун бугу бур, – буслай ур МахIаммад.

Ва журалул форумирттал махъа нанисса ник ватан ххирану тарбия давривугу, жулва лавгмунил ва цIанамунил къадру буну, пахру буну кьушцу тIутIавривугу кьачIивисса кIану бугълай бур.

– Билаятрал гьарца региондалул бия цилла хъхьичIуннайшивуртту ккаккан дурсса стенд. Пахругу багълай, ванишала махIатталгу хъанай ивкIра жулва билаятрай ялапар хъанахъисса миллатирттал чIявушиврий, халкьуннал ляличIишиврий, шихачIав къалашаврий. Гьарцаннал цалва тарих, цалла культура, цалва багу-бизу. Хьунмасса гъирарай кIул хъанай бивкIру жулва билаятрал личIи-личIисса регионнал, субъектирдал вакилтурашал. Шиккува барча буван ччай ура «Служение» премиялул лауреатъталгу, вай цалва билаятрал хIакьсса патриотъталли. Барчаллагъ форумрал сиптачитуран ва сакиншинначитуран, – тIий ур МахIаммад.

Форумрая дуванмунил цIу-цIусса пикрирдалгу, гихунмай зун-занансса гъирагъавасралгу вибувцIуну бувкIисса жулва чиваркIуннан жувагу жушавашайсса ка-кумаг буванну, чIагу учинну вайннан ва бигъа дакъасса давриву тIайлабацIу.

Жула учительтал

## Ххувшаву дакъар агъаммур — гуртту шавур

Ларгсса шин, Аьрасатнал Президент Владимир Путиннун Хукмулийн буну, баян буну дия Педагогнал ва насихатчинан шинну. Га шин Гунчукъатрал шравасса Хажиева Камиллан оьрмулхун дакИний личантИссар «Шинал учитель» конкурсал муниципал этапрай гуртту шаврийну, бити хъьичИунсса Клану къабувгунугу. «Агъаммур, ххувшаву дакъарча, гуртту шавур» тИсса калима, спор- траву дакъассагу, цайми-цайми иширттавугу ишла дуван мюнпатесса, аьркинсса, тИайласса калима дуну тИий.



Камилла Хажиева

Хажиева Камилла Загьидинал душ, Дагъустаннал пачахЛугьрал педагогический университетрал художественно-графический факультетгу бувккуну, Каспийск шагьрулул 3-мур школалий сурат дишаврил дарсирал учительну зий бур 2007 шиная шийнмай. Махъсса шин- нардий дихълай бур технологиялулмур дарсгу.

«Учитель года – 2024» конкурсал муниципальный этап хъуссар ларгсса шинал ахирданий, декабрь зуруй, Каспийскалий Расул Хамзатовлул цанийсса 13-мур лицейраву. Камилла ва конкурсрай гуртту хъун гъуз учин буну бур цуппа зузисса школалул директор Агъаева Мадина Махаммадовнал.

– Нагу пикри бувссия: цанни къахъун, хъунна. Хасил цукунсса хурчангу, шак бакъа ва ттулла, педагогнал, ххуржинтта- вунсса, копилкалувунсса цу-цусса творчестволул пикрирдуну, ттулва гуж, бюхъу ххал бувансса шартИну хъунтИссар куну ттухъва навагу. Ваня махъ ттул царагу кьини къархъуна конкурсал ялув пикри къабувсса. Конкурсал лагрулий шаллу дуван багълагьисса гьарца давриштал ттул настроениегу даххана хъанай дия: гъаз шавай, шях ришавай, хъару ххяххавай – гъагъавай. Шикку тгун бувчИуна ттулва хъьаьрами Клантурду, ссал ялув бацан аьркинсарив, ссах дуван аьркинсарив личИссара къулагъас – вари, ттул пикри- лий, вай конкурсирттал яла хъуннамур ххуйшиву. Тгун бувчИуна тгунма ххишала бакъа биял хъанай бакъашиву инсантурал хъьичИ махъ лахъаврил, инсантурал хъьичИун сивсуну буккавил опыт: асарду, эмоцияртту, дакИ гъалак дукла- каву ттулла Клушвиуртгаар, вай ккаккан дуван бюхъаврияр ялтту дуклай дия, – клибачИлай бур Камилла цилва асарду.

Конкурсрай гуртту хъуссар Каспийск шагьрулул 14 школалул учительтал. Конкурс хъуссар КИра этапрай: «Учитель – профессионал» ва «Учитель – мастер».

– Гихунмай язисса ххюя учитель- нал («Пятерка лучших») ккаккан бунна «мастер-класс». Шикку вайнная лахъ- хьинмур, хИсавравун ласун аьркин-

мур чИявуя, хIатта ва даврий зий гай яла чИяруми шинну дурма учительнангума, цанчирча учитель му цунияргу оьрмул оьрмулхун дуклан аьркинсса, цала ялув цува авчИуну, цалниир цал лавай хъанан аьркинсса инсан уну тИий, – буслай бур ва.

Камиллахъ конкурсрай яла захIатмур ци дия куну цИувххукун, цилва школалул хъьичИсса жаваблувшинна диркИшиву буслай бур. Нигъ, ццах, бйакълакъа- вуртту, гьалатIру – вай цимурца тти махъ лирчИунни, чИун ларгукуннив, вай хъамараритантИссар. Амма оьрмулхун дакИний личантИссар укун агъам- сса ва хъуннасса давривух дурсса гурт- тушинна, цимилгу бучИуну лякьинтИссар шикку лавъсса опыт. Цилва оьрмулу- ву ва журалул конкурсрай дурсса цал- чинсса гурттушиннарайну сагу-савсун, цин лавхъхъусса опытту хъуну, тти цилла чИунгу, гужгу цал ххишалану цилла пиша-



Жанна Куюева

каршиву ларай даврил ххуллий харж бул- лансса гьира ххи хъусса Камилла ва ши- нал хъунтИсса «Учитель года» конкурс- рай гуртту хъунсса ниятрай бур.

Ва дакИнийхтунусса барчал- лагъ тИий бур цинма ва конкурсрайн хIадур хъун кумаг буллай бивкИсса цил- ва ичИувацириннайн, цишалва архIал узиминнайн, конкурсал журилуву бивкИминнайн, конкурс дуван хъунмаса захIат бивхъусса сакиншинначиту- райн.

Шиккува КИицI лаган, «Учитель года – 2024» конкурсал муниципал этапрал финалданийн бивмин- навух бур лаккудушгу – Каспийскалий шагьрулул гимназиялий тарихрал дарсру дихълахьисса Куюева Жанна Махаммадкаримлул душ (ш. Ххюлус- сун). Аьрасатнал Клушвиу дулаврил ака- демиялул университетрал тарихрал фа- культетту бувккуну, Жанна зий бивкИун бур МахIачкъала шагьрулул 13-мур гим- назиялий, махъсса 4 шинай тIурча, зий бур Каспийскалий гимназиялий. Утти- нин ва гуртту хъуну бур «Самый класс- ный классный» конкурсал муниципал этапрай.

Бадрижамал АБЛИЕВА

Дагъустаннал медициналул университетраву, аьдатравун дагъсса куццуй, гъа- шинугу дунни академик Хусайнов Тагьир Сайдуллаговичлул аьпалун хас дурсса, лечебный ва педиатрический факультетирттал 2-мур курсрал студентъ- турал дянивсса, анатомиялул ва гистологиялул олимпиада. Ванил сакиншинначитал бур вузрал пачИун бувсса профсоюзирттал факультет.

## Аьпалун хас дурсса олимпиада

Тагьир Сайдуллагович ххуйну Клулссар медициналул ва элмийсса хъьичИунсса ккураннаву. 1984-2023 шиннардий бияннин Тагьир уссия ДГМУ-рал анато- миялул кафедралул хъунаману. 1971 шинал ванал дурурчуну дур медициналул элмур- дал кандидатнал диссертация, 1981 шинал – докторшиврул диссертация.

Медициналул элмурдал доктор, про- фессор, ДР-лул элмурдал лайкъ хъусса иш- ккакку, СССР-данул цулулу-сагъшиву ду- рурчаврил отличник, СССР-данул Лавай- сса школалул лайкъ хъусса зузала Тагьир Сайдуллаговичлул хъунмасса захIат бив- хъуну бур цала каялувшиндаралусса кафе- дралул даву лавайсса даражалийн дудин.

ДГМУ-рал Элмийсса Клушвиурттал цушиннардал центрданий аьдатравун да-



Тагьир Хусайнов



гъну дур гьарца шинал анатомиялул ва ги- стологиялул олимпиада дуллалаву. Гъаши- ну 10-сса шинни ва дуллау.

Олимпиадалий гуртту хъунни 8 ко- манда. Ванил цалчинмур бутIува тIайласса жавабру дулун аьркинну бия анатомиялул ва гистологиялул суаллан. КИилчинмур бутIува ххуйну Клулну дикIан аьркинну дия «Костно-мышечная система» тИсса тема. Хъирив студентътуран дишин багълай бия гистологиялул сурат. Клушвиуртту аьч даву бакъассагу, шикку сурат дишав- рилмур гьунаргу бучИ хъанай бия, дишин багълай бия чурххал базурдал суратругу.

Олимпиадалул финалданул бия 2 бутIа: базурдая балжину бусаву, микроскопра- щалсса даву ва гистологиялул тестиран жавабру дулаву.

Шиккува КИицI лаган, олимпиадалий цалчинмур Клану бувгусса командалувасса студентътал мурахас бунна анатомиялул ва гистологиялул экзаменная. КИилчинмур ва шамилчинмур Клантту бувгусса командалувасса оьрчIалгу анатомиялул ва гистоло- гиялул экзамену дуллалийни хИсавравун

ласунтИий бур вай баллу.

– Рязину иКIара жула вузрал студентъ- тал мундангу хъьичИунсса хIасилай дуклай бушиврия. Ва мероприятиелий гуртту хъусса студентътуралул му хьиннува исват бунни. Университетрава байбихълахьис- сар хIакиннал пиша язи бувгуминнансса захIатсса ва тамашасса ххулу. Цинявпа- гу студентътуран чIа учин ччай ура дукка- риву хъьичИуннайшиву ва тIайлабацIу», – увкунни ДГМУ-рал ректор Висампаша Ханаьлиевлул.

ОьрчIахъ насихатру буллалисса махъру лавхъуна лечебный факультетрал декан Ру- слан Савзихановлул, педиатрический факультетрал декан Аьлимхан МусхIаджиевлул, стоматологиялул факультетрал декан Тагьир Абакаровлул ва анатомиялул кафедралул заведующий Тагьир Сайдуллаговичлул душ Сабина Хусайновал.

Олимпиадалий гуртту хъусса студентъ- турал Клушвиурттан кьимат бишлашисса журилуву бия вузрал цинявпагу кафе- дрардал педагогтал.

Имара САИДОВА

## Увнугу ур артистнал къушлий

Увну ур Хан Махачкъалалив Гъази-Гъумучатусса Баширов Мирзаханнул ва Ильдарова Марзижатлул кулпатраву. Буттал КИанттул цIанийсса Хъун дяъвилул шалва ххуллу бивтун бур, рейхстаграйн иянин лавгсса Мирзахан Баширов ивкIессар Дагъусттаннал АССР-данул лайкъ хъусса артист, «Дагъусттаннал балайрду ва къавтIавуртту» тIисса ансамбльданул директор. Укунсса Ханнуягу музыкант къавхъуну къабучIихъунссия. Буттал чIивитIу чIявуну цашала уцайсса ивкIун ур даврийн. Оьрмулул 5 шинавусса оьрчI левчуну лагайсса ивкIун ур бухмур филармониялуву мурицIув бавцIусса пианинолучIан, ванил буллалисса чIурду тамаша бизлай, цалва мюршисса кIисри гъирарай ганил клавишардай бизлай. Мукунсса лахIзардаву чIарав хъусса цIа дурксса музыкантIтурал «О, Ханчик, ина чара бакъа музыкалуха зун аьркинссара» тIисса мукъурттилгу ванавун гъавас бутайсса бивкIун бур.

Ханнул буттал оьрму 1961-ку шинал, нязаннив, 44 шинаву, бяливчIун бур. Гастроллая зана хъуну нанисса ххуллий авария хъуну, ивкIуну ур.

Шамагу арсан (Башир, Хан ва Илдар), бутта акъашиву кIул хъун къабивтун, тарбия буну бур Марзижатлул, ларайсса кIулишвурттугу дулуну, оьрмулул ххуллурдайн тIайла буну. Муххал ххуллул даврин харж дурну дур ванил цилва оьрмулул 60-нния лирчусса шинну. Лайкъгу хъуну бур «СССР-данул бусравсса железнодорожник» тIисса цIанин.

1962-ку шинал Хан лавгун ур шагърулул 5-мур школалийн 1-мур классравун, ца шинавун тIурча, агъаммур дуккавришал архIал дачин дурну дур ОьрчIал музыкалул 1-мур школалий-мур дуккавугу. Шикку гъирарай ккалакисса оьрчIал ца шинал дянив музыкалул 2 классгума бувккуну бур. Школалий 8 класс къуртал буну махъ увхун ур Махачкъалалал музыкалул училищелувун, шиккусса дуккавришал архIал школалийгу 9-10-ми классирттаву дуклай ивкIун ур. 1973-ку шинал хъьичIунсса кьиматиртайну училищегу къуртал буну, увхун ур Ашттарханнал паччахIлугърал консерваториялувун фортепианный факультетрайн.

Консерватория бувккуну махъ Хан зун тIайла увккун ур Махачкъалалал музыкалул училищелувун, мура шинал аралуннаву къуллугъ бувангу увцуну ур. Шиккугу ванал музыкалушалсса дахIаву руцан дурну дакъар, къуллугъ буллан тIайла увккун ур Бакуйнал Краснознаменный округрал Балайлул ва къавтIаврил ансамбльданувун. Ватандалул хъьичIсса буржгу лавхъун, зана хъуну, 4 шин дурну дур Музыкалул училищелуву зий. Республикалул культуралул министрну зузисса Наида АьбдурахIмановал маслихIатрайн буну, зун увкIун ур дахъра хIасул дурсса Дагъуст-

## Юбилейран хасну

# Музыкалул Хан

ЦIусса шинал цалчинсса кьини – январьданул 1-ний, оьрмулул 70 шинал юбилей кIицI ларгунни Дагъусттаннал МузыкантIтурал союзрал правлениялул председатель, профессор, Аьрасатнал Федерациялул искусствардал лайкъ хъусса ишккакку, Дагъусттаннал халкъуннал артист, Аьрасатнал Федерациялул ХIукуматрал премиялул ва Дагъусттан Республикалул ПаччахIлугърал премиялул лауреат, пианист Баширов Хан Мирзаханнул арснал.



Хан Баширов



таннал Хоровой обществолувун. Махъ вания дурссар Дагъусттаннал МузыкантIтурал союз. Ва Союзравусса даврин ванал уттинин бивтсса 70 шинал оьрмулувасса хъунмур чIун дул-

луну дур. 1988-ку шинал Хан Башировлул къуртал буну бур ДГУ-лул тарихрал факультетгу. Ханнул ва ХъурукIуллал шяравасса ХIурулэннул (Гуля)

цачIу оьрму бутлай ларгсса шинал хъуну дур 40 шин. Вайннал дянив бур арс ва душ, арснал душ.

Ванал цикссагу гъунардавасса цану бур чичулмур гъунаргу: «Музыка», «Волшебные пальцы», «Мечта», «Рояль», «После разлуки», «Музыкальный экс-

под тенью сабель», «Платон», «Тайна рукописного Корана» ва м.ц.

Балики, ттигу мукунсса хIалу дириярча, цумур роль дугъан ччива тIисса суалданухун дагъусттанлувнал-аксакалнал роль дугъавияв тIий ур Хан Мирзаханович.

Художественный фильму къахIисавну, 15-нния лирчусса документальный фильмавугу гьуртту хъуну ур. Хан Мирзаханов шанна союзравун ухлахавугу махIаттал хъунсса иш бакъар: МузыкантIтурал, КинематографистIтурал, Концертрал деятелIтурал.



промт» – вайнна ванал музыкалул темардан хас дурсса цаппара макъаларттал цIарду.

УзбакIнал цIа дурксса композитор Багъадур Исмавовлул цалва произведенийарттавацца ца Хан Башировлул хас буну бур.

Хан Мирзахановичлул педагогикалуву зий, республикалул оьрчIру ва жагъилтал музыкалуху, искусстволувух гъан буллай хъунмасса захIмат бивхъуну бур. Ванал дарс дирхъусса оьрчIава чIявуми лайкъ хъуну бур ларайсса цIардан, къачансса бувххун бур билаятрал личIиличIисса шагърурдайсса консерваториярттаву.

## Брежнев, Панкратов-Черный, Френкель, ХIамзатов ва цаймигу

Хан Башировлул бахтти хъуну бур республикалийх, шалва билаятрайх ва дунялийх цIа дурксса къачансса инсантал ккаккансса, вайннашал кIул хъунсса. Ашттарханнай дуклакисса чумал ва гьуртту хъуну ур Москвалив хъанахъисса цаллагу союзрал студентIтурал слетрай.

«ХIакъину кунна дакIний дур 1977-ку шинал октябрьданул 23-сса кьини. ЩапI куну бувцIусса Кремлевский дворец. Хъазамгу орден-медальлал бувцIусса Леонид Брежнев, мунашал нанисса Комсомолданул ЦИК-рал цалчинма секретарь Борис Пастухов», – дакIнийн бутлай ур Хан. Брежнев ивкIун

## Музыкалуя махъ – кино

Хан Башировлул творчестволул биографиялуву музыкалия махъ лайкъсса кIану бугълай бур кинорал. Ва гьуртту хъусса фильму къачансса дур: «Похождение графа Невзорова», «Сказание о храбром Хочбаре», «Имам Шамиль» – «Рай



ИТНИ, 29 ЯНВАРЬ

05.00 «Доброе утро».
09.00 Новости.
09.20 «АнтиФейк». (16+).

РОССИЯ 1

ИТНИ, 29 ЯНВАРЬ

05.00 «Утро России».
07.35-07.41 Местное время. Вести-Дагестан.
08.07-08.10 Местное время. Вести-Дагестан.

22.00 Т/с «Большой дом». (16+).
22.50 «Большая игра». (16+).

ТТАЛАТ, 30 ЯНВАРЬ

05.00 «Доброе утро».
09.00 Новости.
09.20 «АнтиФейк». (16+).

21.00 «Время».
22.00 Т/с «Большой дом». (16+).

АРВАХИ, 31 ЯНВАРЯ

05.00 «Доброе утро».
09.00 Новости.
09.20 «АнтиФейк». (16+).

(16+).
21.00 «Время».
22.00 Т/с «Большой дом». (16+).

ХАМИС, 1 ФЕВРАЛЯ

05.00 «Доброе утро».
09.00 Новости.
09.20 «АнтиФейк». (16+).

(12+).
21.00 «Время».
22.00 Т/с «Большой дом». (16+).

НЮЖМАР, 2 ФЕВРАЛЯ

05.00 «Подкаст». (16+).
09.00 Новости.
09.20 «АнтиФейк». (16+).

18.40 «Человек и закон». (16+).
19.45 Телеигра «Поле чудес». (16+).

ХХУЛУН, 3 ФЕВРАЛЯ

06.00 «Доброе утро».
09.00 «Умный и умный». (12+).

21.00 «Время».
21.35 «Сегодня вечером». (16+).

АЛХИАТ, 4 ФЕВРАЛЯ

06.00 Новости.
06.10 «Подкаст». (16+).



ИТНИ, 29 ЯНВАРЬ

07.00 Время новостей Дагестана.
08.00 М/ф «Маши и медведь» 0+
08.15 М/ф «Фиксики» 0+

ТТАЛАТ, 30 ЯНВАРЬ

07.00 Время новостей Дагестана
07.20 Передача на табасаранском языке «Мил» 12+

07.20 Передача на лакском языке

«Абриши ва агулу» 12+
08.00 М/ф «Маши и медведь» 0+

08.50 Т/с «Миллионерша» 3 с.

10.15 «Аутолаф» 12+
10.55 «Удивительные горы» 12+

НЮЖМАР, 2 ФЕВРАЛЯ

07.00 Время новостей Дагестана
07.20 Передача на аварском языке «Паланги памалти заманти» 12+

«Творческая деревня» 16+

05.25 Т/с «Штрафник» 9, 10 с. 16+
ХХУЛУН, 3 ФЕВРАЛЯ
07.00 Время новостей Дагестана

02.45 «Ульяна спростит» 0+

03.30 «Дагестан туристический»
03.45 «Дагестанский календарь»
05.50 Д/ф «Сиделка в Стране чудес»



ИТНИ, 29 ЯНВАРЬ

04.50 Т/с «УТРО». (16+).
06.30 Утро. (16+).
08.00 «Сегодня».

ТТАЛАТ, 30 ЯНВАРЬ

04.50 Т/с «УТРО». (16+).
06.30 Утро. (16+).
08.00 «Сегодня».

03.25 Т/с «Версия». (16+).

АРВАХИ, 31 ЯНВАРЯ
04.50 Т/с «УТРО». (16+).
06.30 Утро. (16+).

ХАМИС, 1 ФЕВРАЛЯ

04.50 Т/с «УТРО». (16+).
06.30 Утро. (16+).

НЮЖМАР, 2 ФЕВРАЛЯ

04.50 Т/с «УТРО». (16+).
06.30 Утро. (16+).

06.20 «Жди меня». (12+).

07.20 «Смотр».
08.00 «Сегодня».
08.20 «Поелам, поедем!» (16+).

03.05 Т/с «Версия». (16+).

АЛХИАТ, 4 ФЕВРАЛЯ
04.50 Т/с «УТРО». (16+).
06.30 «Центральное телевидение».

## «Илчилул» календарь

## Ва нюжмардий бувссар:

\*\*\*

Январь зурул 26-нний 1945 шинал увссар ДР-лул транспортрал лайкь хууса зузала, АФ-лул хурмат лавайсса автотранспортник **Рамазан Хизриев.**

\*\*\*

Январь зурул 29-нний 1950 шинал увссар чичу, публицист, драматург **Мазийхал Казбек.**

Бахшишран  
лайкь хьунни

Шинал лажиндарай дурса давурттал хисиллу дуллаи ва декабрь зурул 29-нний кичи лагайсса Аьрасатнал Виваллил иширттал министерстволул системалувусса Психологнал кьуллугьрал кьинилуцун бавхуну, хьхичунсса зузалтран наградартту дуллалисса мажлис хьунни Москвауллал Виваллил иширттал управлениелул Ухсавнил административ округрал кьатраву. Кьуллугьрал буржру бартбигьавриву ххуйсса ккаккяртту чалачин дурну тий, Барчаллагьрал чагарданун ва бахшишран лайкь хьунни Москвауллал виваллил иширттал управлениелул отделданул хьхичунсса психолог, **Ккуркуллал шьравасса Маликул душ Эльвира Кабиева.**

2004-ку шинал Махачкьалаллал 26-мур школагу ххуйсса кьиматирттай кьуртал буну, Эльвира бавхуну бур Дагьусттаннал педагогикалул университетрал психологиялул ва педагогикалул факультетрайн. Му бавкуну махь, пишалул даража гьаз баву мурадрай, бавхуну бур Москвауллал педагогикалул университетрал магистратуралувун. 2022-ку шинал, апрель зуруа



байбывхуну, ва зий бур Ухсавнил административ округрал виваллил иширттал управлениели хьхичунсса психологнал кьуллугьрай. Зий хьунма хал кьавхунугу, Эльвирал ккаккан бунни цуппа лавайсса даражалул пишакар ва жаваблувсса зузала бушиву. Ванил хурмат хьунмасса бур каялувчитурал ва даврил уртакьтурал дьанив.

Наградагу барча тий, чла тий буру пишалул ххулий тийлабацуртту ва хьхичуннайшивуртту.

**Анриана АБДУЛЛАЕВА**

## Юбилейран хасну

## Музыкалул Хан



→ **Ахир. Дайдихь 7 лаж.**

ур слетрай гьуртту хьанахьисса делегациярттачлан гьан хьанай, яхши-хаш буллаи. Ашттархана-наямур делегациялул чаравгу авцуну, цалчинмур кьюкьлувусса Хан Башировлул кагу дургьуну дур. Ва иширая махь архалминнал ялагу тамансса хал буну бур хьярч буллаи, Генсекнал дургьусса ка машюшара тий.

Александр Панкратов-Черныйшчал Хан кил хьуну ур 1981 шинал. Ва диркун дур Ханнул ниттил нину Парихан аьпалул хууса чун. Дягьуллул чирттаравусса Хан цалла отпускной арцул хьирив най ивкун ур. Ва ацан увну ур кия инсаннал, цаннал гаманыху вана ва типажри жуна аьркинсса тий. Вайнавасса цагу ивкун ур «Похождения графа Невзорова» фильм ласун Дагьусттаннай увкисса Панкратов-Черный.

Цахьва вайннал увкусса куцуй, паспортту лавсун, гьунтиймур кьини Кьумукьнал театрданун увкисса Ханнул аваралий

тихун-шихун заназисса инсантал, личи-личисса реквизитру ккарккун дур. Укун байбывхуну бур ванал киноравунсса ххулу.

Шиккува кичи лаган, Парихангу «Тучи покидают небо» тисса художественный фильмраву гьуртту хууссар. Парихан цила куявнал Мирзаханнул каялувшиву дуллалисса ансамбльдану костюму дурухлай ивкун бур.

Расул Хамзатовлушчал Хан кил хьуну ур 1986-ку шинал, Кияла кьурукьирттан гьайкал титлатисса канай. Хасну ва шадлугьрай жулла республикалий увкун ивкун ур СССР-данул халкьуннал артист, композитор Ян Френкельгу, килусса куцуй, цалгу дуняллий машгьур хууса «Кьурукьур» байлухун музыка чивчусса. Репетициялул чумал Яннул Расул Хамзатов ва Хан Баширов куннашал кув кил буну бур. Му чумал Хамзатовлул увкусса «О, Хан музыки, Башир любви» тисса махьру шинну ларгун махьгу ца дуркусса композиторнал иш багьний гьирарай зумух

ласай. Ки шадлугьрай балай цуппагу Республикалул халкьуннал артист Махаммад Оьмаровлул ва пианист-концертмейстер Хисаврай Хан Башировлул шаллу буну бур.

2003-ку шинал Расул Хамзатовлул Махачкьала шагьрулула цалла чирчусса назму пишкаш дурну дур Хан Башировлул, ваницунсса музыка чичи куну. Ва жаваблувсса даву цайна кьаласлай шинну хьуну дур ванал.

Махачкьала шагьрулул 160 шин кичи лагалисса чумал, цанма ххирасса, цува увния шийнай ялапар хьанахьисса хьун шагьрулуна бахшишну ва шаэрнасса, цалла ва ганал дьанивсса дусшиврул аьпану чивчуну бур кий мукьурттихунсса музыка. Ва балай шаллу бувссар «Эридан» ансамбльданул.

Хан Башировлул 70 шинал манзилданийсса оьрмулия, уттинисса ххулий ванал дурсса давурттая бусан ца макьалагу чанни.

Барча вил юбилей, хурмат бусса Хан Мирзаханович. Итаннав ина вания тинайгу винна ххирасса даврий зунсса гьирагьавасрай ва цулул сагьшиврий, винма ххираминнал дьанив оьрмулиясса ва творчестволиясса мякь лихханнин.

**Бадрижамал АБЛИЕВАБ**

## Жьматрансса кланттурдахлу чурду батлан тий бур

Ва федерал проектрал агьамур мурадну хьанахьиссар Аьрасатнал муниципалитетру цу буккан баншиврул ва хьхичунмай хьит учин баншиврул хасьса давуртту шуруци даву. Проектрал лагрулий бакьин буллан ккаккан буну буссар скверду, паркру, кичиртту, спортрал площадкарду, хьхирин аьгали бигьалагайсса зумарду ва цаймигу халкьуннансса кланттурду. Проектрайн буну аьркинну бур циньрадагу регионанай, оьрмулул 14 шин хуусанная тийла хьуну, аьгали гьурттушинна дуван клунку буван, цала-цала шагьрурдал чалачин ххуй дуваривух гьира бутан. Биляятрал шагьрурдай бакьин бансса жьматрансса кланттурдал сияхл сакин давриву хьунмасса кумаг буссар цала хушрай ва давриву гьуртту хун рязи хууса волонтертурая. Шагьрурдай личиличисса чьир-хьунсса шадлугьру дуллалисса кланттурдай бавцуну, вайннал аьгалинашала дувайссар хьунмасса даву – циван, ссайн буну гайннаясса чурду аьркинссарив, чурду

Аьрасатнал регионанай аьгали бигьалагайсса, шьхикгайсса кланттурду бакьин буллалисса давурттахла чурду булайссар «Формирование комфортной городской среды» тисса федерал проектрайн хьарсса «Жилье и городская среда» цанилуна национал проектрал лагрулий чурду булавриву аьгалинан кумаг буллалисса волонтертурал регистрация дайди хьуссар январьданул 15-нний «Малая родина – сила России» цанилу хууса Шала Аьрасатнал муниципал форумрай. Ва проект биляятрай шуруци дурну сайки 4 шин хьанай дур.



чув ва щия булун бюхьайссарив аьшуйн шун буну бавчин буллаи. Хисил, шагьрурдай яла

пар хьанахьисса гьарцагу инсаннахьхун дуллалиссар ихтияр цала шагьрулул чалачин

Волонтер хьун ихтияр дуссар 14 шинава ливчусса гьарцагу инсаннахь. Регистрация дан бюхьайссар «ДОБРО. РФ» тисса платформалий. Миннавагу язи бугьантиссар аьгалинашал тийаьнну ихилат бан шайсса, проектрацун бавхусса суаллахьхун балжисса жавабру дулун килусса жагьилтал ва душру.

ххуй дувансса. Яла, гай чурду чачун буну, язи бугьлагьиссар чьавуминнал чурду булулсса шагьрулул цумур-бунугу сквер, парк ягу кичиравалу. Ми бакьин бансса арцу итадакьлакьиссар федерал центрданул.

Ларгмур шинал, масалдаран, халкьуннал чурду буллалисса чумал биляятрал регионанай аьмну гьуртту хьуну бур 100 азарунния ливчусса волонтертал. Миннал кумаграйн 2023 шинал чурду буллалисса кампаниялул гьурттушинна дуллалли бан бюхьуну бур 14,2 миллион аьгалинал. Шинная шинайн проектраясса хайр чалай, аьгалигу чялишну гьуртту хьанай бур чурду булавриву.

Волонтер хьун ихтияр дуссар 14 шинава ливчусса гьарцагу инсаннахь. Регистрация дан бюхьайссар «ДОБРО. РФ» тисса платформалий. Миннавагу язи бугьантиссар аьгалинашал тийаьнну ихилат бан шайсса, проектрацун бавхусса суаллахьхун балжисса жавабру дулун килусса жагьилтал ва душру. Гьашину «Формирование комфортной городской среды» цанилуна ва проектраву багьан бансса жьматрансса кланттурдахлу чурду булун бюхьантиссар мартрай ва апрельданий.

**З.АБДУРАХИМАНОВА**

Аьпа абадми

# Фаик Закиев – «Илчилул» язисса хъамаличув



Фаик Закиев

Фаик Закиев – лакрал машгурсса шаэрнал ва чичул,

Стамбуллуниверситетту къртал бувну, Бакуйнал университетраву зий ивксса профессорнал, Гьарун Саэдовлуцун «Илчи» кказит, итабакълай ивксса Закухъал Курдинал арси. Ва зийгу, яхъанайгу уссия Бакуй. На Фаик Закиевлул тамансса макъалартту таржума дурну, «Илчилий» риршуссия, ванащал чагъардайнусса дахъаву дуну буссияв. Хурматрай ябуллай бура ванал ттучланма бувксса чагъарду. Гьарца чагъаргу ванал байбивхъуну бикъайва тгюнгъасса калимарттая, «Фатимаханум!» бакъа къаучайва. Ккалай байбишайхтува ванал чагъардал дакI тирх учин дайва ва, архлала, гьурбатрай ванал Лакку билаятрахсса ччавугу, мякъгу асар хъанай, дакI къума лаглан дикъайва. Ванал гьар-

цагу чагъар пасихIшиврул ва мяъна-мурадрал куртIшиврул чулуха цалунмасса мюршисса произведениярттан ккалли бангума бучИр. Бурганну вай чагъардугу, вайннуцуну ванал цаппара макъаларттугу цунилгу ришун дурив. Мюнпат бакъа къабикIанссар, ттул пикрилий. Цува Фаикгу увкIссия МахIачкъалалив, жул редакциялийн, коллективугу ккаккан, Лаккуйнугу иян. Ва аьрххилия асар хъунсса макъаларттугу чирчуна, вайгу риршуссия «Илчилий». Гъаннайсса, чIярусса шиннардил хъхичIва буттал итабакълай ивксса кказитрай цалла макъалартту дуклай душиврия ва ххарину, бусрав-барчаллагърай ия. Январь зуруй 5 шин хъунни Фаик Закиев дунияллия лавгун. Азирбижаннаву мина дирхъусса

жулва лаккудушнил, гьунар бусса журналистка СалихIа Аьлиевал Фаик Закиевлуя чирчусса ва макъала «Бакуйнал зузала» кказитрай дурккун дур вай гъантрай. «Ва Азирбижаннавусса оьрус мазрайсса агъаммур кказитри, цуппагу Президентнал Аппаратрал органни, цанакул Президент увчIлан хIадур хъанай бухъувкун республикалий, ва хIукуматрал расмийсса кказитрай ттулла дакIийн бичавурттансса кIану льякъинссар тIий дакI дарцIунугу бакъа ссияв. Амма Фаик Закиевлул цанил хIурмат Азирбижаннаву мукун лахъну бурхха, редакторнал, ттуин оьвкуну, тавакъю бувна цамур кказитрайин мадулара макъала куну. Хъирий кьинира ва макъала кказитрай дуккайхту, бувчIлай бухъунсархха ттул

дакI цуксса ххари хъуссарив», – тIий бур СалихIа.

Нссия, ва макъала, таржума дурну, «Илчилийгу» ришун. Лакрал миллатравугу Закухъал Курдинал ва ванал арс, Фаик Закиевлул цIардал хIурмат лахъсса бушиврийгу дакI дарцIуну. СалихIа бур, Азирбижаннай Фаик Закиевлул даражалийсса журналист къаивкIссар ва къаикIантIиссар тIий. СалихIа Фаик Закиевлул 60 шинал мутталий чирчусса макъаларттал лу хIадур бувну бур бишун, амма валу итабакъинсса спонсор къаляхълай ур тIий бур. Жула гьунар бусса журналистнал цIа гъаз дуллалисса СалихIа Аьлиевайнгу барчаллагърай, таржума дуллай бура ванил макъала.

Патимат РАМАЗАНОВА

## Аьрщарай хъинсса цIа ягу цукунни ххаллилсса лахIзарду бацIан буван

Январь зурул 17-нний ххюра шин хъанахъиссар Азирбижаннал лайкъ хъусса журналист, «Мусил къалан» премиялул, ХIасан Аьлиевлул ва ХIасанбек Зардабил цIанийсса премиярдал лауреат, АхIмад-Къади нал арс Закиев Фаик дунияллия лавгун. Ванал захIматрал оьрму байбивхъуну бур 50-кусса шиннардил ахирданий «Азербайджаннал физкультурник» кказитрай репортерну зий. Яла зун ивкIссия корреспондентну «Вышка», «Гюнай», «Панорама», «Бакинский рабочий» кказитирттай. Цанакул, жулва ххаллилсса Къарабах ниттичIан – ВатандалучIан зана битайхту, парча-тика хъусса билаят цу буккан буллай бур, телеканаллай ччя-ччяни буслай бур Къарабахлив саргъунсса къатри, царагу гъайкал къалирчIушиву. Душманнал гьарзат аьрщарашал къадурну дур. Тарихийсса ва тIабиаьтрал гъайкаллу цу дуккан дуваншиврул, ва темалуцун дархIусса думур, макъалартту диклу, суратру диклу, ларсун бухъхъияра тIисса оьвчавуртту дур. Къарабахлив цалчинмур дяъви нанисса ппурттуву, Нагорный Къарабах тархъан буллалисса жулва миллатрал армиялул саллатIурайин



ва хIаписартурайин укунсса оьвчаву дурссия Фаик Закиевлул: «Зунма цуксса захIматну бунугу, оьрмулун нигъачIишиву дунугу, хIарачат бувара нукIузаманнул гъайкаллу ядуван, жулва тарихрал ва культуралул ирс ябуван! Дяъвими Къарабахливсса, Лачинливсса, Казахливсса, Кедабекский ва Келбаджарский районнайсса, гьарца кIанайсса ми гъайкалал чIарах насувча! Гьамин, ми гъайкаллу, лавгзаманнул аьсрудайсса ми гъайкаллу жулва тарих баччан буллалиминнащалсса цIакъсса ва тIайласса



СалихIа Аьлиева



Фаик Закиевлул риршусса суратру

ярагъну хъунтIисса. Тарих баччан буллалими чансса бакъа ссар «уссурвалсса» Армениянавугу. Жуварив уттиния тихунмайгу чичлантIиссару, жучIава аякъалий ябуллай бушиву тарихийсса ирс-ххазина, багъайкун бакъин буллай бакъашиву, жулва яруннил хъхичI лекълай, къатI хъанахъисса аьвзал заманнул къалардал ва мавзолейрдал чIиртту. ЧичлантIиссару Лачиннайсса, Ордубадрайсса, Ичери-Шехердайсса, Гобусттаннайсса заповедникирттал тарихрал ва культуралул ирс ябан къахъанхъисса къумашиврия, каши

дакъашиврийн бувну, раскопкартту дуллан къахъанай къазразанну ливчIсса археологтурая. Вай цимурцаннуягу, чIявусса цайми иширттаягу жу балжину бусланну, буккултрашал архIал лахъланну Азирбижаннал аьвзал заманнул тарихраву къакулуну бивкIмур, аьч буван багълагъимур. Ванал Къарабахлиясса тема гъаз дурсса макъаларттал чарсса дур – «А вы бывали в Карабахе?», «Восхождение к Шуше»,



# Аьрщарай хъинсса ца ягу цукунни ххаллилсса лахъзарду бацан бунан

«Азербайджанская одиссея А.Дюма», «Песни Иса-булага», «Песни Вагифа», «Признание в любви», «Это наши горы» ва цаймигу. Аьсрулул бачи мутталул лахъишиврий Фаик Закиев, Табаьтрал суратру ришлай, буккултрал хъьичун ласлай ивкИссар караматсса Табаьтрал хикматирттайтуса ва хайвантрал, жанавартрал, лелуххантрал оьрмулиясса зарисовкартту ва суратру. Ванал пасихИсса, мыйжаннугу лирикийсса миниатюрарду ссихИ бигьинсса мугьлат бакъасса даражалий ккалансса жура-лул дур, вайннуву асардал марцшиву, лицлаву, оьрмулухсса шакъалиххай мякъ къявхъа тИсса бур. Лагабургьил этюдру ва чани хъяхъа тун дикИайхтура мархалттанил бизанттал ялтту гъава буллалисса зунттал барзултраясса хаварду ва ябаттин къахъунсса магьиршиврул даражалийсса суратру. Фаик Закиевлул, хъинну мюрш икИлай, лархъьуссар Табаьт, жанавартрал тIулу, ванан кIула жайрантирттал сурат та ришун аьркинссарив, осетр-чавахъирттал оьрчIру бай чIун тарив, вахIший уткардал кулпатрал хIалкъазия. Гьарца жанаварданул ва лелуххул иш-тагьар. Ванал чIявусса дустал авчитал бикИайва, ванах ялугьлан бикИайва республикалул личИ-личИсса заповедникирттаву. Авчитурая ванал личИшиву ци дия учирча, ванал буссавагу ярагъ бия фотоаппарат. Ва ярагъгу Табаьттрайн тIайла бувайсса бакъаяча, инсантурайн бурган буваймур бия.

Хъунмахъ къахъунссар тIий бура, Фаик Закиевлул суратру ва макъалартту рувхIанийсса ххуишивурттая махъаллил хъанахъ-



Нитти-буттал дянив

иминнайн битлатисса ттупанг бия учирча. Аьшуйн шунну бивтесса, амма хъиншиврул ккулларду. Вай ишан лархIунийн тIайла бацIайва, инсаннаву ххуйсса асарду чантI учин бувайва, ххуймунийн кIункIу бувайва. Укун буслан, чичлан бикИайва вана я даврил уртакъгалгу, буккултту. «Жуятува гьарманая укун магьирну, устарну ва асар хъуну чичлачима цуксар аваданса дакIнил заллу икIан аьркини! Вана вайри гьамин дакIнил аьчухшиврул гьанна, гьарцагу рухI думунил хъунин нанисса, вайри дакIнил ва ня шуруци даврил захIматрал, аькьлулул куртIшиврул гьанналул хIасиллу. Табаьттрая бакъагу, цайми темардаягу чичлачисса журналистIтурал ккурандаву Фаик Закиев брендну ккалли увансса хIуччарду», – тIий бур ванащал цаппара шиннардий зун тIайлабацIу хъусса журналист Галина Микеладзе. Ванилла нагу Фаиклул макъаларттал лу хIадур буллан бакIрай бацан бувсса. Цанакул ттул кIунттиву бур хъинну аваданс-

са архив, ряхIалунниха лирчусса шиннардил лахъишиврий ванал канила дурксса макъалартту ва ванал риршусса суратру. Ттул тавакъю къамул буну, ва архив тгухъун булуну ванал кулпатрал. Лу хIадурну бур, амма, спонсортал лякъин къахъанай, дуняллийн буккан бувассар, ттуллалу ка хъирив къалаянссар. ХIакъину, тачIав дакъачин, аьзизсса кIантун, Къарабахран, хас дурсса ванал творчество агьамссар. Цукуннив цал, ламусгу къабивтун, ванал бувсуна аьзизсса улкул тарихрал летописьрал бутIавагу инсантурал хъьичIун ласун ччива куну. БувчIлайгу бурхха, вай аькъалий бавхIусса папкардыву ванал цалагу, жувагу бувтесса оьрмулул бутIа бушиву. Философтурал тIийкунсса, бацан бунан хъурдай учинсса ххаллилсса лахъзарду. «Вышка» кказитрал редакциялийнгу цимиллагу бувкIунни ванал макъалартту цу дуккан дунан аьркиншиврий чIурчIав дуллалисса чагьарду. Вана миннувацца: «Ттул кунсса предложение дур: Фаик

Закиевлул язи бувгъусса очеркирттал лу итабакьин, ванал цалла риршусса суратирттал. Ванин ца дзан «Ттул Азербайджан» ягу цумур-дунугу цамур ца. Бюхъавай ванал лу кIивагу мазрай итабакьин», – тIий ур «Шюллисса къацI» тИсса ванал хаварданул хIайран увсса букку. Фаик Закиевлул макъалартту – Азирбижаннал Табаьттрал энциклопедияр, Азирбижаннал заповедникирттал, зунттал, вацIрал оьрмулул энциклопедияр ва жулва билаятрайн авлий буккан учIан ччиминнансса маслихIатрал махъур. Ванал лу аьзизсса аьрщарал бюхттулсса гимну хъунтIиссар, ххуллу ккаккай буваймурну хъунтIиссар, заповедникирттая, аьркинмуния хавар ласун ва луттиравун бургувантIиссар.

Ванал цалва учительтуран ва П.Чайковский.

– «Ванал хавардал ттун лахъхъин бунни личIулуну ябитан ва вичIидишин Табаьттраву хъанахъимуних: ратIнил шинал чавхълих, чIапIал шуршулух, лагабургьил ссавнил рангирах, нигъавххусса лелуххантрал чIурдах. Пришвин акъассания, на бюхъайссия тачIав къулагъас къадунан ссуттихунмай гъухъаллавун кIучI хъанахъисса шярултрах, къахIисав хъунтIиссия ттун Тальский вацIлул лахъисса урттуву ттукулнисру, Кусардай хъурсулдакIи тачIав къащябикIайссия ттул канил ссюрхъирай, ччиккулгу на щунсса вацIлуву аьйкъусса чIумал Алазаннал шинал чулийнай уккан къаайссия», – тIий ур Фаик Закиев. КIилчинма учительнал цагу баякъуну тIий бакъара, явара, мыйжаннугу Петр Ильич Чайковский цала учительнан ккалли увайсса ивкИссар Фаи-

клул. Ва, аьзизсса Табаьттрая хIайранну, ябаттин къахъанай цитI ивкИсса чIумал, ванан чIюхлан дикIайсса диркИссар Чайковский караматсса макъану, шинал гьарца чIумул тикрал къашайсса балай вичIахух бишлан бикIайсса бивкИссар. «Музыка ва Табаьт – Петр Ильич Чайковский творчестволуву кунния кув дуцан дан къашайсса дурчIаларду дур. Гьамин, аьзизсса Табаьттраву, пейзажирттал калейдоскопирттаву ва макъаннал чIурдах луглай ивкИссагу, яла ми нотардайн дуцлай ивкИссагу. Миннуву аьрщарал ва ссавруннал илагъийсса рангу дур. Гьарца чIумулга – цилла макъанну дур. ХIатта микIачIру дусса мархалттанил чIумалгума Чайковский «Шинал чIуннардиву» бюхъайсса-ра ина августрал кIиришиврул аьз буллалисса ппурттуву дюхлулул хIахI бувксса куну хъунгу, ягу апрельданий бюхъайсар вин «Дараччул» къанкъ ришун, июльданийрив «Цулуцалалайлул» бургьил чаннал дунял дуцIин дунан. Чайковский музыка ттуцIа ичIувагу эки наниссар. Чъя-чъянирив – Олег Бошняковичлул тIутIисса «Шинал чIунну». Грампластинка дискрайн итадаркъунниха, ттул къатта шалва буцIинтIиссар личИ-личИсса чIурдал, халкъуннал макъаннал, верчIичIул март зуруйсса балайлул, цулуцалалайлул, авчинал рожекрал бишаннал. Чайковский музыкалул».

(Гухунмайгу буссар)

**Салиха АБЛИЕВА,**  
филологиялул элмурдал  
кандидат  
ш. Баку  
Таржима  
Патимат РАМАЗАНОВАЛ

## Спорт

### Каспийский хъунни муай- тайрал турнир

Январданул 15-ний Каспийский Аьли Аьлиевлул цанийсса Спортрал къатраву хъунни Аьрасатнал Виричув МахIаммадшамил АьбдурахIимовлул аьпалунсса муай-тайрал Дагъусттаннал чемпионат ва Республикалул турнир.

Бяст-ччаллавух гьуртту хъунни 600-ннаха ливчусса спортсментал.

Чемпионат тIитIаврий махъ лавхъунни республикалул спортрал министр Сажд Саждовлул. Ванал бувсунни 2005 шинал къулдугьрал бурж бартбигълай унува аьпалул хъусса М. АьбдурахIимов къучагъсса милицинал хIаписар ва тайбоксерал спортсмен, дуняллул халкъуннал дянивсса класрал спортрал мастер ивкIшиву. Га ххув хъуну ивкИссар муай-тайрал Дуняллул кубокрай ва Дуняллул чемпионатрай.

Махъру лавхъунни Дагъусттаннал муай-тайрал федерациялул президент Аьбдулнасир Мажидовлул ва цайминнал.

### КIия дагъусттанлул ххув хъунни Бангкоклив

Бангкоклив хъусса «ONE Championship» цанилусса единоборстварттал яла азиянал машгъурмур лигалул турнирданий ивну ивкИссар 2 дагъусттанлул.

Шамил ХIасанов ххув хъуну ур Кореянал ию О Хо Таеклуря. Бяст-ччал хъуну бур ММАлул къяйдардайн.

Байбулат Исаяев ххув хъуну ур Румыниянал ию Юрий Фаркслуря. Ми бивну бивкИссар кикбоксинграл къяйдарду ишла дурну.

Ца цамагу спортсмен Аьли Аьлиев ух хъуну ур Британиянал Лиаму Нолануяр, муай-тайрал къяйдардайн бивну.



### Дагъусттаннал гимнастIтурал 15 медаль ларсунни

Москвалив «AGGA CUP» тIисса Дуняллул гимнастIтурал халкъуннал дянивсса турнирданий Дагъусттаннал гимнастIтурал ларсун дур 15 медаль.

Бяст-ччаллавух гьуртту хъунни тренер Владимир Дикиновлул ва Виктор Черепановлул вардиш буллалисса оьрчIал ко-

манда. Цаппара жулва спортсментурал ларсунни кIирашанна журалул медальду.

ХъхъичI ххуттайсса хIасиллу хъун дунни цалла-цалла программаттай Андемир Дикиновлул, АьлимахIаммад Аьлиевлул, МухIаммад Исрапиловлул, Дамир Дикиновлул, Аьли Аьзизовлул.

Арцул медальлан лайкъ хъунни ТIалхIат Чамсулварев, Саад Жангишиев, Даниял Дикинов, УмарасхIаб МахIаммадов, ХIусман ХIусманов. Чарвитул медаль

дурххунни Адам Ражабовлул.

### Шама дагъусттанлул ххув хъунни боксерал Аьрасатнал Кубокрай

Самаралий хъусса боксерал Аьрасатнал Кубокрай шанна мусил медаль ларсунни Дагъусттаннал спортсментурал.

Турнирданий гьуртту хъунни 104 боксер – ватандалул боксерал яла хъьичIунми вакилтал.

Микку ххув хъунни ХасмахIаммад Жаватханов (86 кило), Жамбулат Бижамов (75 кило) ва Рамазан ХIанапиев. Миннава Жамбулат уклай ивкИссар Тульскалал улкулхулу, Рамазан – Санкт-Петербурграхлу.

Арцул медаль ларсунни Рамазан Дадаевлул (92 кило), ва уклай ивкИссар Владимирскалал улкулхулу.

**ХIасан АБДИЛОВ**



Адабияттал  
лаңсин

# Мюрщи оьрчлансса Назмурдава

## Шамхала ва марххала

Ца хьхуну ца шяравун,  
Зунттуха ттурлу дурккун,  
Шанурдая бизаннин,  
Бувну бия марххала.

Марххалагу марххала,  
Марххала, ххуй марххала,  
Ххаришиврул Шамхала  
ЧантI увкунa кIюрххила.

Ххал ара тти, ххал ара,  
Ци зий урив Шамхала,  
Лаян буллаи марххала,  
Ччехху бигьлай кIюрххила.

## Оьрчлал кIанттухсса балай

Ххяллуйх ххюллу ккуру най  
Щарашуй шин эькнай  
дур, ххирай.

Чуллун чIелму бухлай,  
Ларзулук читлу лехлай  
бур, ххирай.

Чиру ччамарду буллаи  
Бярчру тIиринтру бишлай  
бур, ххирай.

Къахьну къакъава дуцлай,  
Къурух къудурну занай  
бур, ххирай.

БулбулчIелму балай тIий  
Дуниял чIюлу дуллаи  
бур, ххирай.

Аьрщи ссавних ялугьлай,  
Ссав аьршарах дуруглай  
дур, ххирай.

Арду гьарта хьунтIиссар  
Дуниял тIитIинтIиссар  
вин, ххирай.

Муна вин макIгу ккаклай,  
Инава зуруй ликлай,  
ттул, ххирай.

Зуруйгу ца ша бивзун,  
Яла шавайгу увкIун,  
Лаллай, чIивитIуй, лаллай,  
Шану нахIусса биллай  
ттул, ххирай.

## Шанма зимиз — шама къучагь

Шанма зимиз най бия тIар армиялийн,  
Уссур-суу ва мача ляхьин  
БавтIуна тIар вокзалданийн,  
ТIайла буккан гай шанмагу армиялийн.

Ниттихьулми – ятIул хьару,  
Хьатан буллаи хьахьи яру,  
Арсеру чIалай хьуни хьуну,  
Ппухьлу тIурча, лап ххарину  
Буллаи бия маслихIатру –  
МабикIару хьис хьхьарану.

Аман, ккаккан зун гай утти,  
ЛавчIун хьуву цавай цIуртти,  
Ккаккан хьина гайннал тIуллу,  
Гайннал аьрай був гьунарду.

Ххяххайва тIар цIаравунгу, щинавун кунма,  
Лещан дурну дия гайннал ца пожаргума,  
Личайва тIар цIаравату, щинава кунма.  
Ххассал дурну дия гайннал  
Дюкьлакьисса ца къаригума.

Шанма зимиз – шама къучагь  
Зана хьуна аьрагту:  
Вайнна шикку вай шамагу,  
Щай-цIай тIисса яруннашал,  
Барчалагьрал чагьардашл.



### БУЛБУЛ ОЪМАРИЕВА

### Аскандардухасса санна

Оьрчи шанчIапIал арив  
Чи кунасса Аскандар:  
Къулмидай ва Сулмидай  
Тайнна тайгу вичIан най.

Жул чIивисса Аскандар,  
ТIуллу ххуйсса Аскандар,  
Алхудай ва Валхудай  
Тайнна тайгу ялун най.

Къулмидай ва Сулмидай,  
Алхудай ва Валхудай –  
Ххюягу ххаллилсса дус,  
Учин бучIир чаргудай!

### ХИММАТЛУ ДАРД

Чиви ХИмнат ия  
Гьанттайнсса канай,  
Гьавккурттал оьртугу  
Карав бивхьуну.

Амма микку ХИмнат  
АьтIун ивкIуна,  
Лагмава яругу  
Бурган бувну.

– Циван аьтIий ура,  
Жул ххира ХИмнат,  
Миксса гьавккуригу  
Канай унува?

– Зу вайксса гьавккури  
Ца ттун бивтхьурча,  
Цикссава чIавусса  
Зува букарду?..


### Шамай ва Шаврий

Шамай кунма бювхьусса  
Шавригу бивкIссания, ци бия,  
Шамай кунмасса кушу  
Шаврилгу байссания, ци бия.

Шамай кунма зирангсса  
Шавригу буссания, ци бия:  
Шаврий бур так къавтIала,  
Ца кIусу-кIутIутIала.

Шаврий шанай бунува,  
Шамай шинату бучIай.  
Ливчунийн чару кунма,  
Гьарца кIанайнгу бияй.

Шамай кунмасса душру  
Шяраву гьарза хьувча,  
Шаврий кунмасса тIурча,  
Хьина, чанну бухьурча.



### Зазаз бувсса буза

Оьл ттизлай буна Заза,  
Оьлил мазу цIун хьуна,  
Оьлилгу ччан риршуну,  
Оьрту ккуру лавгуна.

НакIгу эькиларгуна,  
Оьртугу муркIа хьуна,  
Я оьрту, я накI дакъа,  
Зазагу ккиз лавгуна.

Залму чIарав гьан хьуна,  
Залмул Зазахь увкуну:  
– Чиви Зазай, оьл ттизуй,  
Оьртулул парчри ттисуй,  
Букъав къабивтуннича,  
Букьула утти хьхьичIа.

Кьарити оьл ттизаву,  
Гьарича муксса даву,  
Оьлил багьасса оьрту  
МуркIа-кIала буваву.

### Кьатрай букваву

МахIалул мюрщи душру,  
Циньявпа цачIун хьуну,  
Дукра дуллаи, бялахьлай  
Байбивхьуна тIуркIурдай.

Ланжари Жарихь дия,  
Ппиринж Залмул лавсуна.  
Бя Банятлухь бия,  
Навт Тамарил бавцуна.

Чариввагу къакIулну,  
ОьрчIру хIала бувхьуна:

Шагьрубанил ус ларсун,  
Шамил ливхьун авчуна,

Бахтунша хьирив хьуну,  
Хьап куну, зана дурна.

БатIил каххува катIа  
Карин кIункIу тIий ия,  
Уссун ссихьу ликIлай,  
Аьли ахчилай ия.

КIункIур кIура бавуна,  
КIичIала шьяв багьуна,  
КIурчIлу ккуруй дарчуна...

Пулав Аьлил бувкуну,  
ПуркIу Парин бивуна,  
Личча Аьрччал ларсуна,  
Ччан Тамарил цIун хьуна,  
АьтIикIат аьтIий бия,  
Аьлил тIанкIа тIий ия,  
Душваврал аьтIавривух  
ОьрчIал хьахьаву дия.

### ГьутIагу, мархьгу

– Ттухьра думур нагу  
Дулаванначар,  
Ччалли гьутIа ритан  
Вила мархь була.

ДикIуя, къацI чингу  
Итаванначар,  
Була му лахьи мархь, –  
ТIий ия Вали.

– Циваннир вихьхьун  
Ттулва мархь булун,  
МицI гьавгьсса вил гьутIа  
ЩирикIин дуван?

Ттул мурхьхьах вил гьутIа  
ЩирикIин дарчан,  
Циняр гьутIри мунил  
Дух дувансархха...

Ларгмур интту Донбасрай Дцала ирглийсса коман- дировкалия зана хьусса тту- ла коллега, тележурналист, НТВ-луд корреспондент, Омар МахIаммадовлушалсса интервью дуллалисса ЧIумал, ванал КИИИ бунна, тийхсса КIанттул агьали- навух жула дагусттанлувталгу чансса бакъая, ччянива миналу- гу хьуну, цала диаспорагу сакин дурну, танил хьунамагу жула лак- кучув усса ия, амма ттуша та цу уссарив, ци шярватусса уссарив кIул бан къабювхьунни тIисса зат. Ванал ва хавар бусайхту, тту- вунгу гьира багьуна, та цу усса- рив кIул увну, жула кказитрайгу лаккучувная чичин. Яла, ва ба- гьана, та савав хьанай, му иши- рал хьирив буккангу къавхьуну, Донбасрайин ччя-ччяни цала дав- рил аьрххилий лагайсса Омар- дунгу, укуннагу хIадур дансса ре- портажру чIярурхха, куну, жула ватанлувнаясса хавар цIунилгу дяввилуд цIараву дакIийин бутан сикъавсунав на.

Хаварданул хьирив къабуб- карчагу, уттигьанну лаккучув- наясса хавар цуппа бивкIунни ттучIан. Уссурсуннавасса шил- лив гьан дурну, дуркIунни Дон- бассрай цIана гуманитар кума- грал давуртгавух чялишсса гьур- ттушинна дуллалисса, Лакрал райондалийсса Уриннал шярва- сса 82 шинавусса Аьли Омаров- луд бусласисса, оьрус мазрайсса кказитрай риршусса макъала- луд сурат. ХIасил, Мукъархьиял ратIувсса, ттулагу чIаххуврайсса шярвасса, хьунмур никирал агьулданунгу хьинну ххуйну кIулсса цувагу.

Ва шярвасса ттула уссу- ссуннайхчIин, льякьуну Аьлил телефондалуд номергу, Донец- каллашал связьрайн бивкIра. Ва- нашал цацалва хьусса ихтила- трая бусан хьхичI, КИИИ лаган- на ванал оьрмулувасса цаппара затру.

Донецкалийн Аьли Омаров ДувкIун ур ларгмур ттуршу- кулул 70-ку шиннардил дайдихь- лийва. Дагусттаннайва спортрах хьунмасса гьира бусса жагьил- нал цала оьрмулул гихунмаймур ххулугу ва аралушал бавкIуну бур. Украиннал республикалул спортрал тарихраву жула лакку- чувнал бутIагу къачивисса бур. ЛачIунуккавил спортрал ма- стер шайху, гихунмаймур оьрму Аьлил бавкIуну бур тренернал пишалуцун. Ванал цIа, ца До- нецкалий дакьассагу, шалва Дон- бассран хьинну ххуйну кIулугу, бусравнугу диркIун дур. 1985 ши- нал Аьли ивтун ур Донецкалий- сса дагусттанлувтурал диаспо- ралул каялувчину. Оьрмулухун тренерну зий ивкIсса ванал тар- бия увну ур 128 спортрал мастер. АьличIа хIадур хьанай бивкIун бур, ца Украиннай бакъа, мунил къатIувгу цал цIарду чIявучин кIулсса хьхичIунсса спортсмен- тал: Михаил Бондаренко, Нурис- лан Аркаллаев, ХIажи ХIажиев, Чупалав Омаров ва цаймигу. ЧIярусса шиннардий Аьли Мир- заевич зий ивкIун ур Донецка- лийсса Куйбышевлул цIанийсса ДК-лий мюрши оьрчIавун спорт- рахсса гьира бутлай, ми Совет Со- юзрал республикартайсса бяст- ччаллайх бувуну занай. Аьлил цалагу бур ххюва оьрчI ва оьрчIал оьрчIру.

ХIакьинусса кьинигу Дон- бассрайсса чиваркIуннал дяни- ву ванацIансса хIурмат хьунма- сса бур, цала КИИИинма буттачIан

Чув-унугу чан акъасса лаккучув

## «Лаккучув ушиврия мудангу пахрулий уссара!»



Аьли Омаров



2014 шинал Донецкалий, шалва Донбасрай баян бувсса референдумран хас дурсса митинграй

Аьли буслай ия, Аьра- сатнал Виричувнал цIанин лайкь хьу- сса НурмаIаммад ХIажимаIаммадов- лудIа ва ванацалсса аьралитурачIа, ванал къучагьшиврий жан дулун 4 гьантлул хьхичI шьябивкIун, лакку мазрай жаплий бивкIшиву.

кунма, оьрчIашал лув-ялув букI- лай, цIакьсса дахIаву дусса дур. Ттушалсса ихтилатгу ванал бай- бивхьуна укун:

– На Совет Союзрай хьу- на хьусса, та хIукуматрай кIул- шивугу ларсун, ччаннай ацIан увсса, хIакьинусса кьинигу ция- ня республикарттал агьали, ца кулпат кунма, ххирасса инсанна. Донбасгу ттун ттула КИИИинмур ватан кунма, личIишиву дакьа дазу-зума дакьа ххирассар! Ххи- рану бунутIийра, Украиннал бучIи бакъасса хьуниминнал ре- жимрайнгу кьарши бивкIун, 2014 шиналва нанисса дяввилый талатисса ттуцIава хIадур хьа- най бивкIсса оьрчIал чIараву авцIуну, ттушава бан шайсса кумаг буллалисса! Оьрмулул



Гуманитар кумагрансса аьркинмунил шаллу буллай

шинну вайксса къадиркIессания, хьхичIа-хьхичI ярагьгу ка- нихьну вайннашал окоправу икIантIиссияв! – тий ур.

Цумур-цагу дяввилуд кьинт- туллух укунсса халкь бу- ний бакъарив ххув шаврийнсса умудгу ххи шайсса! Укунсса ара- тал гуманитар кумаграшал ялун бивкIсса чIумал бакъарив дявви- лул цIаравусса аьралитуравунгу оьрмулухсса гьира гьаз шайсса! Аьли цува «ХIайп, шинну дахчи- лай дур!» – тий унугу, ванал дявви- лул кьинттуллух дуллалисса хьун- насса даву чIалачIиминнал укун гьич къаучинтIиссар.

«Донбасгу ттун ттула КИИИинмур ватан кун- ма, личIишиву дакьа, дазу-зума дакьа ххи- рассар!»

2014 шиналва Аьлил, блок- постирдайсса ополченурачIан дука-хIачIаймур, сигаретру, да- руртту, плащ-палаткарду, дяркьу- замгьар бусса чIумал, тIаннул бивкIусса машинартту, ттукIрал пачру биян буллай, цашава бан шаймургу, къашаймургу буллай ивкIун ур. Ванал кулпат (цIа- бакI къачичинну жунна кIулсса сававрттайн буну) буслай бур: «Ца ппурттуву, ча дучIан дур- ссияв, 4 тонна нацIушивурттал, кканпитI-шикIалатирттал, ванал диян дуруна аьралитурачIан ва дарчIуна Донецкалийсса мюр- ши оьрчIайх», – тий. Бувсу- на ванил ца мукунсса гумани- тар кумаграшал лавгсса аьрххи- лия, Горловкалий хьусса битух- ххитулувун багьну, шавулушал зана хьуну ивкIшивугу. Донецка- лий Аьлил каялушиврулу, цува кунмасса чиваркIуннашал, шу- руши дурсса гуманитар даврия, душмантурахь бусласимигу чан- сса къабивкIун бур. КИИИинмур шаву Аьлийн дирну дур 2017 ши- нал, ва оьрмулуцIа уван украин- нал фашистурал къаст лархIусса битуххитулув.

Шайссияв нигы, ццах цирив къакIулсса, къанкъасса дагьус- танчув душмантурал ххуллу язи бивгьуминнаша лахIан ан, хIучI учин ан!

«Пахру багьай дакIивун Да- гьусттаннаясса жула оьрчIру бикIу, чачан-аьсатин бикIу, бурят-татар бикIу, ца заккана кунма, хьачI-хьачIну, ттуцIанма спорт- залданувун занай бивкIсса оьрус оьрчIашал ца окоправу, ца зем- лянкалуву льякьукун! Фронтрай циняв ца архIуссар», – буслай ур Аьли Мирзаевич.

Ххуйсса дахIаву дуссия ванал ДНР-данул бакIчи Алек- сандр Захарченкошалгу. Вана- шал Аьли кIул хьуну ур 2014 ши-

нал Донецкалий, шалва Донбас- рай баян бувсса референдум- ран хас дурсса митинграй. Му кIулшаву хьиннура цIакь хьу- ну дур хьиривмур шинал гьинт- тул Дагьусттанная Донбасрайн ополченурачIан тIайла бивкIсса кумаграшал увкIсса чIумалгу. Та чIумалгу, цIанагу буллалисса гу- манитар кумаграхлу Аьли хьун- масса барчаллагь тий ур Урин- нал шярватусса Вагьаб Шьяба- новлухь, Кьызлардаясса Анато- лий Яллаевлухь ва цаймигу чIарав бавцIуминнахь.

Ва агьамсса даврихлу ДНР- данул бакIчинал Аьлин буллу- ну бур цала цIа чирчусса тту- панг. Чансса бакъар ванацIа личIи-личIисса министрствар- даясса Барчаллагьрал чагьарду- гу. Аьли Мирзаевичлуин оьвкуну бур гьуртту хьун Донецкалий Халкьуннал Цашиврул Аллея- лун гьану бизлазисса шадлугь- рал батIаврийн ва этнокульту- ралул политикалул ва диндалул иширттал масьаларттан хасьсса Цалчинсса Республикалул фо- румрайнгу. ХIасил, жагьилний спортрал тарихраву къабивтсса бутIлуцIун, хIакьинусса Донбас- сар тарихравугу ххи хьанай бур ванал дуллалисса хьуннасса дав- рилмур бутIагу.

Хьинну къумагу лавгун, жул дянивсса ихтилатраву Аьлил ва ванал кулпатрал, чIал хьурчагу, хIалу дирирну дунура, цала чу- луха жижара буллай шалва ла- крал миллатрахь, КИИИ лавгуна Аьрасатнал Виричувнал цIанин лайкь хьусса НурмаIаммад ХIа- жимаIаммадовлуцIа ва ванац- шалсса аьралитурачIа, ванал къучагьшиврий жан дулун 4 гьантлул хьхичI шьябивкIун, лак- ку мазрай жаплий бивкIшиву.

«ХIайп гукунсса жагьилнал оьрму! Амма дазу-зума дакьасса пахру бикIай ва дяввилый Аьра- сатнал цалчинсса Виричув жула лаккуоьрчI ушиврия! Барчаллагь ванал нитти-буттайн, укун дугь- рисса, яхI бусса арс тарбия увну ивкIун тий», – буслай ур Аьли.

Буттал шярвату, Урувгу, Аьлил цIа хьамакъаритайссар. Хьуни-хьунисса ва жяматран монпатрансса давуртту дурну дур ванал гьурттушиндарай Лаккуйгу. 2003 шинал гьинттул, Шярвал- лил кьини дуллалисса шадлугь- рал лагрулий, шярвату тIивтIуну бур Аьлил кумаграйну цу лаган бувсса жяматрал кьулла. Мунир хьхичIми шиннардийгу Уриннал шярвату Аьлил кумаграйну бив- ссар цIусса мизит.

Жул дянивсса ихтилатрал Жахирданийгу Аьлил КИИИ бунна, цала цува талихI бусса инсаннан ккалли айсса уши- ву. «ТалихI бусса цанчирча, на льякьуну унутIий дунияллий яла ххуймур ва цIакьмур била- ятрай! Ттул оьрмулул девизгу: «Агьалинан кумаг бан аьркин- ссар!» – тIиссар бивкIсса, мукун- ма тарбия бувссия ттуцIанма за- най бивкIсса чIава спорстмен- талгу. Пахру бикIай нава лакку- чув унутIий, кIилийнусса пахру бикIай Донбасрайгу КИИИинмур ватан хьуну, бюхттулсса лакрал цIа гьаз дурну, оьрму бутан бюв- хьуну тий!» – кьуртал бай хавар Аьлил.

Цуллушиву дулуннав, Аьлий, Цувлухьун уттигу чIярусса шиннардий оьрму бутансса. Мийх талатисса жула виртгаврая кун- ма, жугу вияту шийх пахрулий буссару.

Залму АБДУРАХИМАНОВА

Жула вирттал

## Дагъусттаннай тІурча, ганах ялугълай бия буцай душ...

Лакрал гьарца заманнайра  
ЦІа диркІссар чумартшив-  
рул, кьучагъшиврул ва виричув-  
шиврул.

Гьарцагу шяраваллил бур цила  
авадансса тарих ва вирттал. Хьун  
дакьасса ГьунчукъатІрал шярава  
Буттал КІанттул цІанийсса Хьун-  
масса дьавилий талан лавгун ур 276  
чув, вайннава бачІссаннал жанну  
дуллуну дур ватандалухлу. Душ-  
мантал ххит бувсса цала ппухълун-  
нал цІа дуккан дуллай бур хІакьуну  
тайннал наслугу, Донбассрал аьр-  
шарай неонацистьтуращал кьу-  
чагъну талай. Цуксса хІайпнугу,  
ва шяравасса кьучагътуравасса  
цаннал чувшиврий жан дуллунни  
Украиннал аьршарай нанисса хасъ-  
сса аьралай операциялий.

Кардашов Руслан Багдадидал  
Карснал жан дуллуну дур, лар-  
гсса шинал январьданул 10-нний,



Руслан Кардашов



Донецкалал Халкьуннал Респу-  
бликалий Артемовск тІисса шагь-  
рулий нанисса кьизгъинсса тала-  
тавриву.

Руслан увну ур 1987 шинал  
апрельданул 17-нний.

Багдадидал ва Зильфридал  
кулпат ялапар хъанай бивкІун  
бур Таджикнаву. СССР ппив  
хьуну махъ, Дянивмур Азиянаву  
захІматсса чІун диркІувкун, Кар-  
дашовхъал кулпатрал хІукму буну  
бур Ростов-на-Дону шагьрулийн  
хьунмур душничан бизан. Тичча-  
гу 2008 шинал бивзун бур хъунама  
арс ялапар хъанахъисса Попутная  
тІисса станицалийн.

– Тгун ххуй бизайва вай  
кІанттурду, чья-ччяни арсначІан  
хъамалу бучІайссияв шиккун. Ца  
базилухъ, на пикри бувссия кьат-  
тагу машан лавсун шиккува бацІан,  
– буслай бур Зильфрида. – Руслан  
та чІумал уссия аьралуннаву кьул-  
лугъ буллай. Аьралай бурж лав-  
хьун махъ лавгуна Сочилийн зун.

Яла, «Вагнер» ЧВК-лушал кон-  
тракт чирчуну, лавгуна Сирияна-  
вун. Тичча тІайла увккун ия Аф-  
риканавун. Гьарца шинал ахирдан-  
ний учІайва отпускрай. Махъва-  
махъсса отпускрай махъ, дакъа хъу-  
на арсначалсса дахІаву. ДакІнил  
кьукълай бия Украиннай ухьун-  
сар тІий. Жун хьинну захІмат хъуна  
арсначал связьрайн буккан.

Хасъсса аьралай операция бай-  
бишавривун, шавай увкІун, гьунт-  
тимур кьини лавгуна. ДакІнил бус-  
лай бия тихун най ушиву. Гьаксса  
буссияв малагара тІий, Дагъус-  
ттаннай ганах буцай душ ялугъ-  
лай буссия, 2023 шинал январьдан-  
нул 5-нний хъатІи бан увкуну бус-  
сия. Амма ватандалул хъхьчІсса  
бурж оьрмулуяр ххирану льякьун-  
ни. 2023 шинал январьданул 10-  
нний ватандалул ххулий жан дул-  
лунни. Оьсса хавар ялун биянсса  
тгухъ макІлил бувсуна. Руслан ия  
царай аьжаивсса янналуву: «Дадай,  
на зана хъура», – куну тгухъ.

ТгукьокІ цІун диркІуна, ялун  
бала нанисса дакІнил буслай бия.

Руслан учарду буттал шяраву  
ГьунчукъатІув.

ЧІивинияцІа Руслан ия  
кьучагъсса. Бигъану лахъайва  
захІматсса кІанттурдайн. Нитти-  
буттайн мюгІисса, аякъа дусса ия.  
Къатлунув увххун най унува, хъя-  
малагу агьну: «Дадай, дан-диганци  
дур, ссан кумаг бан бур?», – куну,  
цІуххайва.

ХІайп, кьаивтунни Заннал кул-  
пат баннин. Я Аллагъ, шинчІав  
нясив къабаннав льякълул оьрчІал  
дурд ккаккан!

Хьинсса мукъурттийну дакІ-  
нийн утлай бур Руслан ванал гьал-  
махтал ва Попутная станицалий  
чІаххув-чІарав ялапар хъанахъи-  
мигу.

– Руслан ия дакІ хьинсса,  
захІматсса тагъарданува ливчІсса  
инсаннал кумагран цалла дулла-  
лимур дунийра кьариртун, левчу-  
на учІайсса, гьарца ишираву чІарав  
ацІан хІадурсса дус. Автомобиль  
бакьин бан багълай бурив – ук-  
сланРуслан Руслан мугълат бакъа  
чІарав уссар, чапар дишин бурив  
– му давугу ванал кунна устгарну  
дувансса цамагу кьальякьинтІиссар,  
– дакІнийн утлай бур Руслан ванал  
гьалмахтал.

ЦІана Зильфрида ялапар  
хъанай бур хъунама арсначІа,  
БасирдучІа.

Дянивма арс Гьарунгу ивкІун  
ур хасъсса аьралай операциялий  
ватандалул мурадру буручлай.  
Шаву дирну, госпитальданий хьин  
хъанай ивкІун ур. Ази лагайхту  
зана хьуну ур аьралай частьраву-  
най, цІанакул кьуллугъ буллай ур  
Абхазиянаву.

Зильфридал хъуни буну бур  
ххюва оьрчІ ва ряхва оьрчІал оьрчІ,  
цІанакул кумаг буллай бур оьрчІал  
оьрчІал оьрчІру хъуни бунан.

Нину яакъалий ядуллай дур  
арснал наградартту. Вайннувах  
дур Ливиннал ва Сириянал аьрша-  
рай террористьтурал ширишилун  
бувгъуми мурахас баврихлу ларсъ-  
сса. Лайкъ хьуну ур Чувшиврул ор-  
дендалун. ИвкІуну махъ, Аьрасат-  
нал Президент Владимир Путин-  
нул Указрайн буну, Руслан Кар-  
дашов ккаккан увну ур «За заслу-  
ги перед Отечеством II степени»  
ордендалун. Награда дуллуну дур  
аьрличувнал ниттихъун.

Ватандалул мурадру буруччаву  
– гьарцагу чувнайсса бурж бур.  
Жула ялату кьалагаймур бурж  
тІурча, ватандалул ххулий чув-  
шиврий жанну дуллуниннал аьпа  
буруччавур. Аьпа баннав жула  
вирттавал!

Зулайхат ТАХАКЪАЕВА

Дагъусттаннал Росгвардиялул управленелул хъунама генерал-  
майор Александр Ореховлул дуллуну дур паччаХІугърал ва  
ведомстволул наградартту кьуллугърал бурж бартбигълай ххуй-  
сса ккаккяртту чІалачІи дурсса «Ястреб – Каспий» СОБРал зу-  
залтран.

Жула Росгвардия

## Наградартту дуллунни

Аьрасатнал Президентнал  
ХІукмулийну хасъсса подразде-  
ленелул зузалтран дуллуну дур  
«За отличие в охране обществен-  
ного порядка» медальлу. Ца зу-  
залан кьуллугърал бурж барт-  
бигълай ккаккан дурсса чувшив-  
рухлу дуллуну дур «За боевое  
отличие» медаль.



Александр Орехов

## Жанну дуллуми дакІнийн бивчунни

Къизлардай ва Хасавюртулал райондалийсса Первомайское  
кшяраву баласса ишру хьуну 28 шин ларгунни. Вай гьантрай  
мунин хас дурсса мероприятиертту хьунни Каспийскалий, «Ястреб  
– Каспий» СОБР бусса кІанттурдай.



Шикку гьуртту хьунни «Яс-  
реб – Каспий» СОБРал коман-  
дир полициялул полковник За-  
пир Алискантов ва хасъсса под-  
разделениелул аьралитал. Мери-  
приятие тІитІлай, ихтилат бунни  
отрядрал командирнал. Ванал  
кІицІ лавгунни 1996-ку шинал  
январь зуруй, террористьтурал  
кьокьрайн данди бавцІуну, гу-  
жирдал структурардал зузал-  
трал цила дикІайкунсса чувши-  
ву ккаккан дуршиву. ДакІнийн  
бувтунни тай иширттаву Дагъ-  
усттаннал СОБРал 4 аьрличув-  
нал – милицанал хъунама лей-  
тенант Оьмар Аьзизовлул, ми-  
лицанал лейтенантгал Ризван  
МахІаммадовлул, Марат Оьма-  
ровлул ва ХІажи Хетуровлул  
жанну дуллушиву. Аьралитурал  
тІутІив дирхьунни жанну дуллун-  
миннал гьайкалдануцІи ва мин-  
нал аьпалун баян бунни мину-  
трайсса пахъ багъаву.

ДакІнийн бутан, 1996-ку ши-  
нал январь зурул 9-нний Сал-

ман Радуев бакІчисса 300 инсан  
ххьавхссар Къизлар шагьрулийн.  
Цал террористьтурал лавьссар  
шагьрулул азархана, 3000-нния  
ливчусса инсанталгу шириши-  
лун бувгъуну. Хъирив кьини  
ширишилун бувгъумигу хъхьчІ  
бавкьуну, боевиктал 9 автобус-  
рай Чачаннавун бавчуссар, амма  
Первомайское тІисса шяравал-  
лил зумагъирагърай ми федерал  
гужирдал бацІан бувссар.

Январь зурул 15-нний, тер-  
рористьтурал цаппара хъуни-  
сри ва ясир бувгъусса милица-  
нал зузалт аьшун бивзсса байхъ-  
ту, шяраваллийн гъужум бувс-  
сар. Вай иширттаву аьмну 80  
инсан оьрмулуца хьуссар. Мин-  
навух бивкІссар ихтиярду ду-  
руччай органнал зузалт, аьрли-  
тал, спецназрал кьокьравами ва  
укунмасса инсантал. 174 инсан-  
найн шавурду дирссар.

ХІадур бувссар  
Андреана АБДУЛЛАЕВАЛ

## Социал таксирду чІяву бантІиссар

Дагъусттаннай мушакъатсса инсантуран кьулайсса социал  
таксирду чІяву бантІий бур. Республикалул бакІчи Сергей  
Меликовлул тапшур бунни машинартту машан ласун 34 милли-  
он итабакьин.

Дагъусттаннал хъунаманал сиг-  
талиину 1 автомобиль ккаккан буну  
бур мушакъатсса инсантал аьр-  
киннийн ххилан. Ва машина уквас-  
сар. Инсантуран аьркинну бур 2  
ножмардул хъхьчІва баян бунан  
цанма машина аьркин багълай бу-  
шиву. Инвалиднал креслолушалс-

са машиналуву шябитан кумаг аьр-  
кинсса инсантал укунмасса так-  
систьтурал кьабувчуну кьабив-  
тсса ишру чІявусса хъанай бур. Ин-  
валиднал таксильин оьвчирчагу,  
мива таксистьтал махъаллил хъа-  
най бур. Ва социал таксильия хъу-  
масса мюнпат бушиву тІурча, агъа-

линал социал сетирдайсса коммен-  
тариарттава чІалай бур. Амма ва ца  
таксилух яржа бияннин ялугълайгу  
хьуннасса чІун лаглай дур тІий бур  
инсантал. Социал таксирду чІяву  
бунан багълай бушиврул масъала  
гъаз бувссия тІайланнасса эфирдан-  
ний Сергей Меликовлухъхьун су-  
аллу буллалисса чІумал Европа-  
нал паратхъквондолул чемпионка  
Сакинат МахІаммадовал.

П. РАМАЗАНОВА

## Жижара

**ХИУСАЙННУЛ АРС МУХТАР АЬЛИШАЕВ**

Ормулун 92 шинаву жуятува личи хьунни шанихсса аьлимчув, математик, техникалул элмурдал доктор, профессор, Хиусайннул арс Мухтар Аьлишаев.

Мухтар Хиусайнович увну ур 1932 шинал август зурул 20-нний Лакрал райондалий ШавкИуллал шяраву. 1949 шинал Гьумучиял школагу мусил медалданий кьуртал бувну, дуклан увхун ур МГУ-рал математикалул факультетрайн. Вагу кьуртал бувну бур ЯтИул дипломрай.

Ванал шала оьрму хас бувну бур ялун нанисса никиран кИулишуву ва тарбия дулаврин. Личи-личисса шиннардий зий

ивкИун ур ДГУ-рал математикалул факультетрал деканну ва вычислительный математикалул кафедралул каялувчину.

Шикку зузисса шиннардий ванал сантирайн руртун дур прикладной математикалул ва информатикалул шусса разделлан хас бувсса лекцияртту буккавил даву. Му бакъассагу, Мухтар Аьлишаевлул хIарачатрайн бувну, Вычислительный математикалул кафедралай хIасул бувну бур Прикладной математикалул ва Информатикалул ва вычислительный техникалул кафедрарду (цIанасса Дискретный математикалул ва информатикалул).

2005 шинал январь зуруа шийнай, махьра-махьсса кьинилийн иянинн, Мухтар Хиусайнович зий уссия Геотермиялул масьалартал институтраву (ДФИЦ РАН). Шикку ванал каялувшиндарай ахтгар буллай бивкИссар гидротермальный, петротермальный ва бургьил энергиялул ва цаймигу источникру ишла баву.

Мухтар Хиусайнович аьпалул шаврил кьурчишиву кИдачIлай, жижара буллай буру ванал гьанмаччаминнахь, агьлу-авладрахь. Имандалий лавгун лякьиннав, алжаннул ххари аннав.

**Математикалул ва компьютердал элмурдал факультетрал, Геотермиялул масьалартал институтрал коллектив, коллегяхьул ва студенттал**

**АЬВДУЛКАРИННУЛ ДУШ ОЬМАРОВА АСМАР**

Декабрь зурул 30-нний жуятува лавгунни бусравсса, ххаллилсса хьамитайпа, Ваччиял шяравасса Аьвдулкариннул душ Оьмарова Асмар.

Бувну бур Асмар 1937-ку шинал Ваччиял шяраву Каллахьал Аьвдулкариннул ва Хьатухьал Жавагьил кулпатраву. Чьянива буттагу ялату лавгун, ниттишал Асмардун хьунмасса захIмат бан багьуну бур шяраву мюрщисса 3 ссугу, 3 усугу, хьуни бувну, ччаннай бацIан бан.

1956-ку шинал ЧIяйнал дяннмур даражалул школагу кьуртал бувну, зий байбивхуну бур Асмар Межрайонный ветлабораториялий лаборантну. 1958-ку

шинал кьуртал бувну бур Ленинградрай бухгалтер шайсса курсру. 1958-ку шинал 1960-ку шинайнин зий бивкИун бур Ккуллал райкомрал плановик-экономистну. 1960-ку шинал шар хьуну бур райпорал хьунама бухгалтерну зий ивкИсса, Уриннал шяравасса Оьмаров КьурбанмахIаммадлул. Мура шинал бувхун бур Каспийскалий медучилищалийн. 1963-ку шинал мугу кьуртал бувну, зий байбивхуну бур цал райбольницалий, яла Ваччиял ясли-садрал медсестрану. 1980-ку шинал, шагьрулийн бивзун махь зий бивкИссар Республикалул стоматологиялул поликлиникалий, Республикалул физио-терапевтикалул азарханалий.

Чув зий бивкИхурчагу, Асмар бия цилла даву ххирасса, му ххуйну кIулсса пишакар.

Асмардул кьатлуву хьамал чан кьашайва, шярава бувкИсса чIявусса миннал ужагьрай бацIайссия. Асмардул ХIурмат гьарцаманачIа бия, хьуниминная байбивхуну, мюрщиминнайн биянинн.

Асмар жуятува лагаврил кьурчишивугу кИдачIлай, жижара буллай буру арсураврахь, душнихь, цинявпагу мачча-гьаннахь.

Алжаннул ххари баннав, гьав нурданул дуцIиннав, махьминнал оьрмурдай барачат бишиннав.

**Ваччиял ва Уриннал жямат**

## Аьпалул махь

«Инсаннал яла хIакьмур ххазина – захIмат бан бюхьавур»

ЭЗОП



Лахьисса хIаллай кьашавайгу бивкИун, оьрмулун 85 шинаву аьпалухьхьун лавгунни ЧIяйнал шяравасса, Лакку билаятрайгу, Дагьустаннайгу захIматрал ххуллий бусравну, яргну оьрму бувтсса, Аьлиллул ва Аминатлул душ Хиусманова Уамат.

Ормулун 4 шинаву нину ва ппугу ахиратрал хьуну, ва цала аякьалийн лавсун бивкИссар ванил уссил ва ссил.

ЧIяйнал школалий ххюва классгу кьуртал бувну, Гьумучиял Детдомрайн гьан бувну, гикку ларайсса тарбиялулгу бувчуну, ххуйсса кьиматиртай кьуртал бувсар Гьумучиял дяннмур даражалул школа.

Уамат Детдомрай тарбия хьанахьисса шиннардий, шавкь дуну дарсирдахун багьсса, чIявусса луттирду ккалай, Европанал, Гьанмур Машрикьуллал классиктурал литература хьинну кIулсса, гьарца дуллалисса давурттахь чялишну гьуртту шайсса душ бивкИссар.

Ванил аттестат ккаккайхту, экзаменну кьадуллунура кьамул бувсар Балугьирттал техникумравун. Мугу ЯтИул дипломрай кьуртал бувну, институтравун буххан дуллусса направлениегу ишла кьадурну, 1959-ку шинал ва бувкИссар МахIачкьалаллал консервартту дайсса комбинатрайн.

Уамат 22 шинаву кьамул бувсар КПСС-рал членну, ванил сурат Аьшттархан-лул «Каспрыба» управление-лул ХIурматрал улттуйн лархьун диркИссар. 1967 шинал ва лайкь хьуссар Дагьустаннал Верховный Советрал Президиумрал ХIурматрал

грамоталун (Высшая награда ДАССР).

1970 шинал СССР-данул Верховный Советрал чулуха ванин дуллуссар «Медаль за доблестный труд», бувчIуссар МахIачкьала шагьрулул КПСС-рал бюрорал хьунаманал хьиривмурну, шагьрулул Горсоветрал депутатну.

Цехрал начальникну зий дурссар 30-нния лирчусса шинну. СССР-данул ПаччахIлугьрал ванин дуллуссар бюхтулсса наградартту: «Орден Трудовой Славы УI степени», «Орден Трудовой Славы II степени», «Орден Трудового Красного Знамени».

Ванин дулун багьлай бивкИссар «Орден Трудовой Славы I степени» орденгу. Му дуллуссания, Уамат архIал бацIан тIий бивкИссар «Герой Социалистического Труда» дуллуминнашал. Цибанссар, ванийн яржа бивсса чIумал «ахттакьун бивзун» бухьунссия.

Му орден кьадулурчагу, ванил куннасса бахшиш-ру марцИсса захIмат буллай ларьсса хьинну чансса бакьа бивкИсса ххай акьара.

Хьамитайпалул яла хьунмур бурж ласкьатта буруччавур. Ванил лас, МахIачкьалаллал домостроительный комбинатрал цIаныхсса тIаннул устгар, Хиусманнушал, цалла карунних кьаттагу бувну, ххаллилсса шана душгу хьуни бувну, эбратрансса тарбиялул лажин кIялану чивун буккан бувсар. Уамат лайкьну хьамал лахьан кIулсса, дакI-аьмал уздансса зунттал хьамитайпа бия. Ванил оьрму шиннардиву бакьаяча, гьан-маччаминнал, дустрал чIарав бацIавриву бия.

Уамат ахиратрал шаврил пашманшиву кИдачIлай, дакIнийхтунусса жижара буллай буру ласнахь Хиусманнухь, душваврахь Кабиратлухь, Тамилахь, Мисидухь, куявтурахь МахIаммадаьлихь, Шамиллухь, Ямлиханнахь, махьсса шалагу агьлу-авладрахь.

Ца аькьлукарнал увкуну бур: «Инсан цала каруннахри оьрмулун ххуллу бихьлан аьркинсса», – куну.

Уаматлул бунагьирттал аьпа баннав, рухI бигьаний дишиннав, махьнал оьрмурду лахь баннав.

**ЧIяйнал жяматрал цIания Шалласу Шалласуев**



КIулушацIрал шяраву, чIун дакьа цIуцIавриша ххассал кьавхьуну, оьрмулухь мякьнува, дунияллияту лавгунни декабрьданул 28-нний Сулайманов Шагьмурад ХIабибуллагьлул арс.

Увссар ва январьданул 10-нний 1966 шинал. Ванан дура 58 шин хьун.

Шагьмурад ия хьинну инсаншиву дусса, захIмат ххирасса, дакI марцИсса инсан. Шагь-


мурадлул цалла азар чIалай дакьая, цала чIивитIуя, душнил душния ххарину ия, ванил ттуйн хьунмяммай учинтИссар тIий. Оьрмулия ша кьаливххуна лавгунни.

Жулла кьурчишиву кИдачIлай, жижара буллай буру ванал кулпатрахь Уззахь, душваврахь, уссурваврахь, ссурваврахь, мачча-гьанминнахь, КIулушацIрал жяматрахь. Зул шяраву барачатшиву чIяру хьун-

нав, чиваркI бюхьаннав, чIун дакьасса шинчIав кьахьуннав, ххарисса хавар бакьа кьабаяннав.

Шагьмурадлулгу аьпа баннав, гьав нурданул дуцIиннав, алжаннул ххари аннав, ванан бакьамур оьрму ванал махьнан булуннав.

**ЧIурттациял 8 шинал школа архIал кьуртал бувсса одноклассниктал, одноклассницахьул**

**ХИУСАЙННУЛ АРС УВАЙСОВ МАММАЦЦАЙ**

Январь зурул 16-нний ахиратрал хьунни ххаллилсса лаккучув, хIурмат лавайсса тухумрал арс, Ваччиял шяравасса Увайсхьал Хиусайннул арс Увайсов Мамаццай.

Мамаццай увну ур 1958 шинал Ваччав хьудугьул кулпатраву. Буттал шяраву кьуртал бувну бур дяннмур даражалул школа. 1976 шинал Германнаву аьралуннаву кьуллугь буллай ивкИун ур. Зана хьуну махь кьуртал бувну бур заготовительтал хIадур байсса Ростовуллал техникум. Му бувккуну махь зун айивхьуну ур райондалул заготпунктрай. Замана баххана хьусса шиннардий Мамаццай уссия ишбажаранчину зий. Ванал мударану чялишсса гьурттушинна дайссия колхозрал ва жяматрал багьу-бизу хьхьичIунмай баву мурадрайсса давурттай. Мунихлуну ва ивтун уссия Ваччиял шяраваллил администрациялул хьунаману. Шикку зузиссаксса хIаллай ванал бувсса захIмат ххуйну кIулссар Ваччиял шяраваллил жяматран.

Мамаццай ия марцИсса дакIнил, хIалимсса касиятрал, лавайсса ас-намусрал заллу, оьрчIан ххаллилсса ппу, кулпатран авкьусса лас, уссурвавра бусравсса уссу, шалва тухумран ттарцI хьусса инсан.

Мамаццай ия хьинну итххяхьсса, захIмат ххирасса, бувьсса махь бацIан бан кIулсса инсан. Даки-аьмал аьчухьсса, хьярч-махсара бан кIулсса Мамаццай ххирасса ия, Ваччиял бакьассагу, райондалул жяматрангу.

Мамаццай ахиратрал шаврил кьурчишиву кИдачIлай, дакIнийхтунусса жижара буллай буру ванал кулпатрахь Раисатлухь, оьрчIахь Заурдухь, душваврахь Заремахь ва Марияннухь, уссурваврахь Шяпинахь, Давдихь ва цинявпагу гьанмаччаминнахь.

Цал бунагьирттал аьпа баннав, гьав нурданул дуцIиннав, алжаннул ххари аннав. Махьминнал оьрмурдай барачат бишиннав.

**Ваччиял жямат**

Увайсхьал тухумрал цIания барчаллагь учин ччай ура жушал кьурчишиву кИдачIин бувкИсса цинявпагу инсантурахь. Жул кулпатран хьинну бусрав хьунни ва захIматсса кьини зу жула чIарав бацIаву.

**Давди Увайсов**

## Лакрал халкъуннал учаларттава

Дус учлаву байранни.

ДакИнива нанимур даКинин хьамакъабитайссар.

Дус цлу хьурчан, инава цинну хьу.

Дусгу къума маара, душмангу ххари маара.

Душманнахлу уккарчан, инавагу душманну члалан иклайссара.

Душманнахьхун чул мабулара.

Дусная дуснал гьалмахтурахь цлухха.

Дуснал бивичу чарил утайссар.

Дуснал нуз виламур кунна тлитла.

Дуснангу буржлув машара.

Дуснал къюлтмур дуснан кулссар.

Дуснан дусну, душманнан душманну хьу.

Дуснал дусная цичлава къюлтмI къабайссар.

Душманнан дурк кIаланнуну инава агьара.

Душманнан кIаланг дуккаяр, дуснан пукьа бувну хьинсар.

Дуснал бивичу чарил бакI буцан къабайссар.

Дусну дулара, душманну зана дай.

Дуллай урав, дула вила канил.

Дуллу канин даКиний, дурку лякълун хьамариртун.

Жул тур варсулли.

Жула халкъуннал гуж куннал кув бугьавривур.



## «Илчи» – маслихатчи Гьарца къатлуву диклан аьркинсса ххяххия

Ичурасса ххяххиярттал (комнатные растения), жулва къатри, дик-куц ххуй дурну, авур бавришал, гьава марцI бувангу, му марцIшиву хьунмасса хIаллай диян дувангу кумаг бувайссар. Гьава чапал буванмурдив цIанасса чIумал шаттирал бакIрах чан дакъар, компьютердая, телефонная къатIий, гьарца къушлий дикIайсса мебель, ПВХ-рая бувсса чIавахьулттив ва магьи, линолеум, рубероид, пенопласт тIий, ччимур стройматериал ва чIярусса цамургу. Гьаваллавун загьрусса затру итакьадакълакьимур тIурчарив, тти-заманнай чансса дур. Гьава марцI буван кумаг бавришал, къатлу-вусса ххяххиярттал инсаннал даКI рахIат дуккан давривугу къа-чIивисса кIану бугьлагьиссар, вайннул щюллисса рангирал жулва яру паракьат бувайссар, бигьалаган бувайссар.

стресс хьун къариртун, рахIат уккан кумаг бувайссар. Амма ванил дур ца диялдакъашиву-гу: ва загьруссар. Мунияту ва мюрши оьрчIру ва ичIаллил жанаварт къабияйний дикIан аьркинссар. Ваниха къуллугь бувну махь каругу марцI дурну шюшин аьркинссар.

### Цитросовыйрду

Лимондалушалсса, пургихалданушалсса (апельсин), мандариндалушалсса мюрши мурхьирдал къатри ляличIинува оьрчIи бувай. Вайннул чIапIавусса фитонцидирттал кумаг бувайссар личIи-личIисса азарду сукку дувайсса микроорганизмарду литун дуван. Вай мурхьирдал эфирный маслардал тIурчарив, инсан рахIат уккан увайссар, нерварду паракьат дурну, шанух гьан кумаг бувайссар. Мукунна даКIнил макьу даКIин дувайссар.

Вай дакъассагу, ичIура дикIан аьркинсса ххяххияртту цаймигу дур: каланхоэ, кактус, лимондалул эвкалипт, розмарин, къатлуву ххяххан бувай сувра (комнатная мята) ва м.ц. Ххяххан дуллалира чурхангу, даКIинигу мюнпат биян буллалисса ххяххия.



Дайдихьу №№1,2

### Герань

Ва ххяххиялул, бактерияртту ва вирусру литун бавришал, ушу-шулгигу ххиен бувайссар, инсан рахIат уккан увайссар. Ва ххяххия хьиннура хьинссар утту-бишаймур къатлуву.




### Аглаонема

Ва ххяххиягу, шарда кунна, офисравугу хьинссар, шикку сайки бацIаву дакъа ортехника зузисса кIанай ванин


дулланмур чан къахьунтIиссар. Гьава марцI баву дакъассагу, ванил, яни ванива гьаваллавун нанисса затирттал, инсан,

ХIадур бувссар  
Бадрижамал АБЛИЕВАЛ

### МАХIАЧКЪАЛА



### Гьавалул тагьар



### ГЪУМУЧИ



Газета «Илчи» (Вестник)

Учредитель:  
Агентство информации и печати  
Республики Дагестан

Хьунама редактор:  
Кьардашов Р. Аь.  
Тел.. 65-00-07

Хьунама редакторнал хьиривма:  
Башаев Р.М.  
Тел. 65-03-12

Редколлегия:  
Адамов АьбдурахIман  
МахIаммадович  
Аьбдуллаев Сапарбаг Аьлиевич  
Аьлиев ХIажи Сулайманович  
Исрапилов Артур Анварович  
КьурбанмахIаммадов Чанкура Рамазанович  
Маммаев Сулайман  
Нураттинович  
МахIаммадов Юсуп ХIамидович  
Хаппалаев Аслан Юсупович  
Хасаева Гульшан Рамазановна  
ХIажимирзаев Зиябуттин  
Абусупиянович  
Шалласуев Шалласу Рамазанович  
Эльдарова Роза ХIажиевна

Отделлал редактортал:  
Аьбдуллаева А. П.  
Аьдилов ХI. А.  
Рамазанова П. ХI.  
Тахакьаева З. К.

Корреспондентьгал:  
АьбдурахIманова З. Т.  
Аьлиева Б. Д.  
Саидова И. А.

Корректор:  
АхIмадова А.И.

Кказитрал компьютерданул цех:  
Абакарова К. Н.  
ХIажиева З. У.

Кказитрай дурксса макьаларттаву кIицI лавгмур тIайлашиврул жаваб дулайссар чивчуманал.  
Редакция макьалалул залуннал пикрилий рязину бакьахьурчагу, макьала рищайссар, жьаматрал цаламур пикри бусанссар тIисса ниятрай. Кказитрайн дуркIсса макьаларттайн рецензия къачичайссар ва ми залуннахьхун зана къадаьссар.

Кказитр буккаьссар ножмардий цал. Шинай итабакьайссар 52 номер.

Кказитрал индекс. П7046  
Тираж – 2002 экз.

Адрес редакции и издателя:  
367018, г. Махачкала,  
пр-т Насрутдинова, 1а  
e-mail. ilchi@rambler.ru  
http://ilchi.info  
Тел./факс. 65-00-07

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД.  
Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Издательство «Лотос».  
367018, РД г. Махачкала,  
Пр-т Насрутдинова, 1а  
Срок подписания в печать 19.00.  
Подписано 19.00.

Цена свободная



4 651116 280051